

bosansko-hercegovački magazin

EUROPPA



Januar 2013

2013

2012

Politika: Četvorka preuzima Vladu FBiH?

Intervju: Bakir Izetbegović

Reportaža: Begova čorba iz Andrićeve kuće

ISSN 1939-3423



ADVOKATSKA KANCELARIJA

Aleksandra H. Bronsted

Attorney at Law



Porodično pravo/Divorce

Krivično pravo/Criminal Law

D.U.I

Osobne ozljede zadobivene:


Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice



Aleksandra H. Bronsted, PC

6065 Lake Forrest Dr.

Suite 200

Atlanta, GA 30328

Phone: (770) 451-3818

Fax: (770) 451-3922



Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Godina Ivica Osima

8 Bosna i Hercegovina

Stalna kriza u Federaciji BiH:

Četvorka preuzima Vladu FBiH?

20 Intervju

Bakir Izetbegović:

Podjela BiH je nemoguća misija

28 Amerika

Dogovor sa republikancima ili "fiskalna provalija"

30 Reportaža

Kulinarske putešestvije (12):

Begova čorba iz Andrićeve kuće

32 Automobili

33 Film

34 Nauka

38 Sport

40 Porodica

41 Mozaik

42 Horoskop

44 Zabava

46 Oglasi



*Svim čitaocima pravoslavne
vjeroispovijesti želimo srećan Božić*



NOVI TV PROGRAM NA VAŠEM JEZIKU

EUROPA MAGAZINE je partner Hayat TV za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayata. Telefon: 678-743-5731 ili nam pošaljite e-mail na redakcija@europamagazine.info. Uvjerite se i sami. Reklamiranje na televiziji je pristupačnije nego što mislite!

+ 387 33 271 340
+ 387 33 271 350
marketing@ntvhayat.com
prodaja@hayat.ba
www.hayat.ba

*Uvijet su usluge
marketing vaše televizije*

PROUD MEMBER

Gwinnett Chamber 



www.bosnianyellowpages.us

jedna web stranica za sve vaše potrebe

Godina Ivice Osima

Ovih dana, kad se uobičajeno svode bilansi godine koja ističe, građani Bosne i Hercegovine u razmišljanju o događajima i ličnostima 2012. imaju utjehu da su doživljavali radosti i uspjehe bar u sporednim stvarima. Štaviše, u „najvažnijoj sporednoj stvari na svijetu“: fudbalu.

Bosanskohercegovačka reprezentacija završila je godinu na vrhu svoje kvalifikacione grupe za Svjetsko prvenstvo u Brazilu 2014. godine, ispred donedavnog evropskog šampiona Grčke, a neki od njenih igrača tokom godine su se pojavljivali u najzapaženijim ulogama u svojim klubovima u jakim evropskim ligama: Edin Džeko postigao je dragocjen gol u utakmici u kojoj je Manchester City osvojio šampionat Engleske; Vedad Ibišević treći je na listi strijelaca Bundeslige; Asmir Begović golman koji je češće nego ijedan drugi ostajao nesavladan u engleskoj Premier Ligi; Miralem Pjanić postaje nosilac igre u Romi i – kao i Begović – sve traženiji na evropskom fudbalskom tržištu.



Ivica Osim

Za razliku od političke scene, koja se od izbora 2010. godine nalazi u stanju permanentne krize, a još od torpedovanja takozvanog aprilskog paketa ustavnih promjena u 2006. u nenadoknadivom zaostajanju za svim susjedima u projektu euroatlantskih integracija, bosanskohercegovački fudbal je pokazao kako ni u duboko podijeljenom društvu nije baš „nemoguća misija“ graditi zajedničke funkcionirajuće institucije. U nedavnom javnom istupu u Vašingtonu, odgovarajući na pitanje koje to još snage održavaju cjelovitost Bosne i Hercegovine, međunarodni visoki predstavnik Valentin Inzko spomenuo je primjer fudbala i njegovog najistaknutijeg predstavnika Ivica Osima: „(Michel) Platini je zahtijevao da bosanskohercegovački fudbalski savez ima jednog predsjednika i Osim je uspio da to postigne“ – rekao je Inzko.

Osim je taj uspjeh u ujedinjavanju fudbala preko i iznad etnitskih i etničkih podjela i ključeva postigao kombinacijom vrlina kakvih, na žalost, na bosanskohercegovačkoj političkoj sceni nema ni na vidiku: tamo gdje je to potrebno – išao je u diplomatsku misiju pridobijanja podrške; ako je trebalo pokazati da bosanskohercegovački fudbal ima kapacitet da ispunjava stručne i profesionalne standarde UEFA – Osim je sa saradnicima u svom timu, poput Duška Bajevića i Faruka Hadžibegića, primjerom pokazivao kako je riječ o ličnostima najvišeg evropskog uvažavanja; ako je za misiju ujedinjavanja fudbalske organizacije bilo kritično da se fudbal odvoji od političkih zabrana – ljudski i profesionalni autoritet Ivica Osima bio je dovoljan da stvori atmosferu sporazumijevanja.

Zbog svega toga, nasuprot dvoličnostima godine u bosanskohercegovačkoj politici, Ivica Osim je nesumnjivo ličnost koja je obilježila 2012. u Bosni i Hercegovini.

On se izdvaja i po jednoj krajnje rijetkoj osobini: po kontinuitetu postizanja najviših međunarodnih standarda i rezultata u bilo kojoj ulozi. Kao fudbaler – zapamćen je kao nenadmašan dribler čija se umjetnost izražavala u muzičkim poređenjima, od nadimka „Strauss sa Grbavice“ do anegdote dosjetke radio komentatora Mirka Kamenjaševića: „Loptu je dobio Osim i dok je on ne izgubi slušajte muziku iz našeg studija“; odigrao je 16 utakmica za reprezentaciju Jugoslavije uključujući i nastup u polufinalu Evropskog šampionata u Italiji 1968. godine u kojem je Jugoslavija pobijedila tadašnjeg svjetskog prvaka Englesku (1:0). Kao trener – postigao je izvanredne uspjehe sa svojim Željezničarem; vodio je reprezentaciju Jugoslavije do četvrtfinala na Svjetskom prvenstvu u Italiji 1990; sa Panathinaikosom je osvajao kup Grčke, a sa Sturmom šampionat i kup Austrije; bio je i trener reprezentacije Japana.

Njegova karijera obilježena je gotovo jednako jednim događajem u kojem nije učestvovao kao i svim onim u kojima je bio u glavnoj ulozi. Riječ je o Evropskom šampionatu 1992: Jugoslavija se – pod njegovim vodstvom – kvalifikovala za taj šampionat ali na kraju na njemu nije učestvovala. U nedjeljama pred taj šampionat, u kasnim telefonskim pozivima iz Beograda, Osim se brižno raspitivao kako je noćas u Sarajevu. Pričao sam mu kako pred mojim očima gore tribine na njegovoj Grbavici. I prije nego što je UEFA službeno isključila Jugoslaviju sa šampionata, The New York Times je 3. juna 1992. objavio Osimovu izjavu o napuštanju državnog tima: „Pred ljudskim patnjama ovalikih razmjera, ne mogu pomiriti ono što mi se događa kod kuće s ulogom nacionalnog selektora“.

Njujorški dnevnik je – kritikujući čistunstvo najviših sportskih zvaničnika koji su oklijevali s isključenjem Jugo-

Poštovani čitaoci, redakcija Europa Magazina će rado objaviti i Vaš tekst, ako nam ga pošaljete na e-mail adresu redakcija@europamagazine.info. Ne zaboravite - ovo je i Vaša novina!

slavije „jer ne žele miješati sport i politiku“ – objavio kako je već bilo izvjesno da na šampionatu neće nastupiti dotadašnji golman reprezentacije Tomislav Ivković i još četvorica hrvatskih reprezentativaca; Slovenac Srečko Katanec i Makedonac Darko Pančev, s neuporedivih 10 golova u osam kvalifikacionih utakmica, i Sarajlije Faruk Hadžibegić i Mehmed Baždarević.

Osim je i tada i sada ostao dosljedan principu da svoj moralni čin zadrži izvan sfera dnevnopolitičke manipulacije i da autoritet – zasnovan na takvim principima – stavi u službu zajedničkog dobra.

*Kemal Kurspahić
Radio Slobodna Evropa*



Maxo & Associates, LLC
Vrijeme za takse 2013
HIDO MAKSUMIC
 Dipl. Accountant

Personal & Corporate Taxes,
 Bookkeeping, Professional Consulting

Cell: 404.429.6379
 E-mail: h_maksumic@yahoo.com

155 Gwinnett Dr, Suite D-2A, Lawrenceville, GA 30046



Zelimo da i Vi uživate u ovim delicijama
 Please enjoy our delicious offerings

CROMADE, Inc.
 Importing the flavor of Europe

Featuring cheeses from
 Vindija, Mljekara Livno & Sirana Gligora

Proud Importer of
 Daruvarsko & Ozujsko Pivo (beer) & wines
 from around Croatia & Bosnia and Herzegovina,
 olive oil from Dalmatia, Istria & frozen foods

Telephone: 1-877-874-5682 Fax: 1-760-738-1313
 Please visit us online at www.cromadinc.com
 Dealer inquiries welcome



LERO TRAVEL
 Phone 404-660-0910
 Enver Šejtanić



1405 Wheatfield Drive
 Lawrenceville, GA 30043
enver@lerotravel.com
 Save money Book online
www.lerotravel.com

LION TAIL
 REALTY, LLC



PRODAJETE ILI KUPUJETE KUĆU?
 ZA MENE BITI REALTOR ZNAČI
 MNOGO VIŠE OD PRODAJE KUĆE
 MOJE USLUGE SU FOKUSIRANE NA
 USPJEH U OSTVARENJU VAŠIH SNOVA



Direct:
(678) 735-8397
Suada@LionTailRealty.com
LionTailRealty.com

Suada Nisic Realtor®
 HUD Expert, Buyer's Advocate, Listing Specialist



JEFTINE AVIONSKE KARTE LLC
 Samo Ptice Lete Jeftinije



Jazmir Bešlija
 owner

336 Springhaven Rd,
 Lawrenceville, GA 30046

Tel 770.963.9684 ili 770.963.9685
 Fax 888.404.8088
TravelBiH@Hotmail.com
www.TravelBiH.com

Odgovor Dobrici Ćosiću

Poslije pisma Dobrice Ćosića, u kome poziva studente da se vrate u otadžbinu, stigao mu je odgovor Miloša Ćirića, studenta Univerziteta umetnosti u Beogradu.

Nepoštovani Dobrice Ćosiću,

Pročitao sam vaše pismo. Obraćate se studentima, doduše onima koji su već u inostranstvu, ali pretpostavljam da i ja, bedni student iz Srbije, imam pravo da vam na pismo odgovorim. Utoliko pre što planiram da iz ove zemlje odem, ne zbog 'ljubavi prema profesiji' kako vam se jadno pravdaju studenti okupljeni u fantomskoj Organizaciji srpskih studenata u inostranstvu, već upravo da pobeegnem od vas, vama sličnima i posledica do kojih je vaša politika dovela i učinila život u ovoj državi nepodnošljivim.

U prvoj rečenici svog pisma kažete: "Pretpostavljam da vi očekujete od mene istinu o stanju srpskog naroda danas i viziju njegove budućnosti". Ne. Tako nešto ni u ludilu od vas ne očekujem, ali vi ipak verujete da je to istina. Iako vaša zaljubljena obraćanja sebi samom nisu novost, ovakve me rečenice uvek nasmeju. Ostatak pisma je ozbiljan, mračan i turoban, liči na svog pisca, a vi ste takav patetični utisak očigledno želeli da ostavite.

Zašto me ne zanima nijedna reč koju ste u ovom pismu napisali, a koje vidim kao deo vaše nepotrebne borbe za promociju, vaše osvajanje javnog prostora koji vam se ionako decenijama nudi? Prvo, dela pisaca ne čitam. Čoveka koji, navešću samo jedan primer, kosovske Albance naziva političkim, socijalnim i moralnim talogom Balkana, posle terora koji je nad njima sprovela država na čiju je politiku imao odlučujući uticaj - ne treba pitati za sudbinu studenata, ne treba ga pitati ni za šta, osim ukoliko se taj razgovor ne odvija u sudnici.

Drugo, pogubni uticaj koji ste imali na stanje srpskog društva u kome sam imao nesreću da se rodim, neki od nas nisu zaboravili. Iako ste se, u cilju rehabilitacije svoje biografije, u javnosti nedavno samoproglašili disidentom, što je - možda toga niste svesni - izazvalo salve gorkog smeha u publici, vi ste saučesnik u zločinima koji je ova država činila prema drugima i prema sopstvenim građanima. Vi ste deo intelektualne vertikale koja je podupirala genocid i etnička čišćenja.

Vaša karijera je višedecenijska, uvek ste se isticali - od delovanja u komunističkoj partiji Jugoslavije, preko pisanja manifesta srpskog nacionalizma - Memoranduma SANU,

koji je bio ideološka osnova za ratove koje je vaše rukovodstvo vodilo na prostoru bivše Jugoslavije, potom na položaju Miloševićevog predsednika ratne SRJ, pa sve do današnjih dana, svojim uticajem na sve izabrane lidere - od Đinđića, koji vam je uvek bio sunnjiv, preko Koštunice, u koga ste poлагali najveće nade, zatim Tadića, vašeg miljenika koji vas je, ako ćemo pošteno, najviše slušao, do Tomislava Nikolića, na kome biste imali još da poradite.



Dobrica Ćosić

Vi, kako poetično u pismu studentima kažete, i vaša "duga senka" ste odgovorni za stanje u kome se ovo društvo decenijama davi. Vi ste, naime, odgovorni jer studenti i drugi mladi ljudi, često i sa kompletnim porodicama, beže glavom bez obzira iz ove zemlje. Licemerno je i perverzno da se baš vi javljate sa savetima studentima, prekornim tonom, da ih učite pameti i pozivate da se vrate. Sebi ste dodelili pravo koje vam ne pripada, i ja vam to pravo ovim putem oduzimam. Vi to nećete ni osetiti, iza vas stoje hiljade ljudi, mediji koji vas promovišu, visoka politika, akademija. Jedini ispravan razlog za studentske proteste u Srbiji danas bila bi borba protiv vas i nasleđa vaše politike. Nikakvi bolonjski bodovi, stanje u menzama ili visoke školarine, već laži i mržnja koju prema pripadnicima drugih naroda i dalje u svom delovanju prosipate i otkrivanje istine o najstrašnijim zločinima koje je rukovodstvo čiji ste guru bili počinilo na teritoriji bivše Jugoslavije.

Vi ste, to priznajete, čovek prošlosti. Ja dodajem, najmračnije prošlosti moderne srpske istorije. Zvučaće vam čudno, ali ovim pismom sam u stvari hteo da vas ohrabrim da se opustite i ne brinete za nasleđe svoje politike. Ono je duboko ukorenjeno, posebno među mladima, o čemu govore sva istraživanja koja su prethodnih godina sprovodile brojne organizacije. Kada dođe i vaš čas, za vama će ostati stotine hiljada mladih koji skoro jednakom žestinom kao i vi mrze kosovske Albance. Isti broj nikada neće saznati odgovornost sopstvene države za genocid u Srebrenici, za hiljadu šesto i jedno ubijeno sarajevsko dete, ni za masovne grobnice u njihovoj lepoj Srbiji u kojima su i dalje stotine neotkrivenih leševa kosovskih Albanaca. Neće saznati ni ko je odgovoran za poslednji ratni zločin, atentat na Đinđića.

To su rezultati vašeg višedecenijskog delovanja, i treba da budete zadovoljni, postigli ste svoj cilj. Vaš zločin je savršen. Zar vam nije dosta, Ćosiću?

Miloš Ćirić
student Univerziteta umetnosti u Beogradu.

Michael E. Carroll & Associates, LLC Attorneys At Law

Michael E. Carroll, Esq.
&
Christopher S. Walker, Esq.



Michael Carroll

Christopher Walker

Radimo u oblastima:

Osobne povrede zadobivene:

- * Na radu
Worker's compensation
- * U saobraćajnim nesrećama
Car accident
- * Krivično pravo
Criminal Law
- * Bankroti
- * DUI

Call:

Satellite Court
2250 Satellite Boulevard, N.W.
Suite 205
Duluth, GA 30097

678-473-9472

Advokati s dugogodišnjim iskustvom u radu s osiguravajućim društvima, sada mogu svojim iskustvom pomoći u rješavanju Vašeg slučaja.

- PREVODILAC NA RASPOLAGANJU -

Četvorka preuzima Vladu FBiH?

Predsjednici SDP-a, HDZ-a BiH, HDZ-a 1990 i SBB-a istrajaće u namjeri da Vladu Federacije BiH napuste ministri koji ne čine novu parlamentarnu većinu u ovom entitetu. U tome će tražiti i međunarodnu podršku, zaključeno je u četvrtak na sastanku u Mostaru.

Lideri četiri partije parlamentarne većine istrajaće u namjeri da Vladu Federacije napuste ministri - članovi Stranke demokratske akcije, Hrvatske stranke prava i Narodne stranke Radom za boljitak, koji su izvan parlamentarne većine, kaže Fahrudin Radončić, Savez za bolju budućnost:

„Vlada vladajuće četvorke mora biti ogledalo parlamentarne većine. Nepovjerenje ovoj vladi je logična činjenica. Imate vrlo paradoksalnu situaciju: u toj vladi sjede ministri SDA, a SBB i dva HDZ-a podržavaju odluke vlade koja nije njihova“, rekao je Radončić.

U nastojanju da se smijeni osam ministara, lideri četvorke će tražiti pomoć i podršku visokog međunarodnog predstavnika Valentina Inzka, posebnog evropskog predstavnika Petera Sorensena i američkog ambasadora Patricka Moona, naglašava Božo Ljubić, predsjednik HDZ 1990:

„Zašto ćemo upoznati predstavnike međunarodne zajednice? Pa zato što su oni sukreatori postojećeg stanja i zato što su naši partneri u našim stremljenjima prema euroatlantskim integracijama, a nema euroatlantskih integracija bez funkcionalne vlasti u BiH.“

Najava rekonstrukcije vlasti izazvala je posebno negativne reakcije u Stranci demokratske akcije.

„Govore o nekim žurnim procesima, olako obećanoj brzini. A vidite, ta obećana brzina traje od maja mjeseca. Ako hoće da se rješava pitanje, zna se koja je procedura, znaju se ustavni mehanizmi. I na kraju-krajeva, ako ih nije strah od poraza, da idemo na prijevremene izbore u Federaciji“, predlaže predsjednik SDA Sulejman Tihić.

Kao što je poznato, mjesta sadašnjih ministara trebali bi, uz članove dva HDZ-a, zauzeti i članovi SBB-a, pa bi, uz SDP, parlamentarna četvorka bila u punom sastavu. Članove Vlade može smijeniti predsjednik Federacije Živko Budimir, uz saglasnost svoja dva potpredsjednika.

Fahrudin Radončić smatra kako je najbolje da Budimir shvati realnu situaciju, odnosno prihvati volju parlamentarne većine:

„Konačno, najpametnije rješenje da gospodin Budimir, koji ima nešto manje od 2.000 glasova, poslušaju parlamentarnu volju stranaka koje ukupno imaju preko 550.000 glasova. Mi smo se odlučili na prekomponovanje Vlade Federacije da bismo izbalansirali hrvatsko-bošnjačke osnose, da bi prestala majorizacija Hrvata od strane Bošnjaka. Sad imamo paradok-

salnu situaciju da tu majorizaciju omogućava jedan čovjek koji se naziva Hrvatom“, tvrdi Radončić.

Pat pozicija

Predsjednik Federacije Živko Budimir je već ranije odbacio prijedlog premijera Nermina Nikšića o smjeni osam ministara. Zato zaključke četvorke, Nermin Pećanac, iz Socijaldemokratske unije, smatra kao očekivane:

„Ovo je njihov odgovor na Budimirovu odluku. Ovo je način otprilike da pokušaju opet doći do vlasti, odnosno prekompozicije u Vladi Federacije. Dokle će se moći, je li sve zakonito to što će se sad pokušati, koji će se koraci preduzeti, to je drugo pitanje, ali ovo je jedan od načina kako napraviti prekompoziciju u Vladi Federacije kako to zamišlja četvorka“, ocjenjuje Pećanac.

Planirane smjene u federalnoj vladi mogu se izvesti izglasanjem nepovjerenja cijelom sastavu u skupštinskim domovima, podsjeća sekretar Parlamenta FBiH Izmir Hadžiavdzić:

„Ustav Federacije, a i Poslovnik o radu Doma naroda predviđaju mogućnost pokretanja procedure vitalnog nacionalnog interesa za svaki zakon, propis ili drugi akt. Budući da bi se ovdje radilo o aktu razrješenja Vlade, moguće je aktivirati proceduru vitalnog nacionalnog interesa“, pojašnjava Hadžiavdzić.

Delegat Doma naroda Parlamenta Federacije Peđa Kojović naglašava kako se svakih nekoliko mjeseci sa sastanaka lidera objavljuju tzv. revolucionarne metode koje će donijeti promjene, ali se ništa ne događa. Federacija se tako ponovo nalazi u pat poziciji, čiji su akteri i predsjednik Federacije i lideri parlamentarne većine:

„Ja zaista smatram da bi se predsjednik Budimir, da ima osnovnu demokratsku kulturu, povukao pred novom parlamentarnom većinom. Ali me isto tako iznenađuje i nova parlamentarna većina koja je do sada u principu mogla promijeniti, ako ima dvotrećinsku većinu, kao što kaže, i Ustav i zakone po kojima se smjenjuje predsjednik Federacije i omogućiti Federaciji BiH da se više nikada ne nađe u ovoj situaciji gdje jedan čovjek može blokirati volju nove parlamentarne većine. To je jedna apsurdna situacija, ali radi se inače o strankama koje se, čini se, radije odlučuju da zaobilaze loše zakone nego da ih mijenjaju“, naglašava Kojović.

Stalne rasprave o promjenama u vlasti stavljaju stvarne probleme u drugi plan i građani tako dobijaju jeftinu zabavu, kaže analitičar Esad Bajtal:

„To je neka žalosna zabava. U pitanju je matematička politika ili politička matematika. Ovdje ideje ne odlučuju ni o čemu. Ovdje odlučuju interesne grupacije i pojedinačni interesi moćnih ljudi ove zemlje“, navodi Bajtal.



2 MJESECA BESPLATNO

Gledajte Kanale WorldTV-a

Prijavite se za paket Bosanski 1 i iz svog doma gledajte najbolje televizijske programe. Nazovite već danas i primit ćete kompletan set, aktivaciju i 2-mjesečnu uslugu BESPLATNIH programa!

2-mj. pretplata na paket Bosanski 2



**Satelitski
Komplet
WorldTV-a**

**Aktivacija
usluge**

**SAMO
149.99\$**



VEĆ DANAS NARUČITE WORLDTV!
1.888.238.2643 · www.globecastwttv.com

Pronađite nas na  : WorldTV International Television  : WorldTVUSA



SDP-HDZ: (Ne)prirodna koalicija

Je li Lagumdžija i u tornju spominjao Čovićevu tetku?!

Posljednji (neformalni) sastanak, na kojemu je visoke goste u tornju, kao što to i priliči, ugostio novi ministar sigurnosti, bio je prilično dramatičan. Štoviše, Dragan Čović i Zlatko Lagumdžija su prilično pokvarili apetit ostalim akterima, svojim prepucavanjem, koje je neodoljivo podsjećalo na onu oktobarsku noć 2010. godine, neposredno nakon što su izbrojani glasovi. A nakon čega su, sjećamo se, gotovo svi slavili

Ako naši čitatelji budu u rukama imali ovaj broj, znači da su se Maje malo preračunale. Nije, dakle, zloglasni (a, valjda, i mitski) planet Nibiru udario ni u majčicu Zemlju, pa onda čak ni u zemlju Bosnu u kojoj nam je već godinama ionako nešto slično kao smak svijeta. Svaki dan! A to bi onda značilo kako je u pravu bio politički astrolog Božo Ljubić koji je prošle sedmice, razmjerno dobrog raspoloženja, navijestio kako će šestokraka, tzv. nova koalicija ponovo održati svoju seansu. Mogao bi, međutim, to biti i crni petak.

Naš izvor, naime, tvrdi kako je posljednji (neformalni) sastanak, na kojemu je visoke goste u tornju, kao što to i priliči, ugostio novi ministar sigurnosti, bio prilično dramatičan. Štoviše, Dragan Čović i Zlatko Lagumdžija su prilično pokvarili apetit ostalim akterima, svojim prepucavanjem, koje je neodoljivo podsjećalo na onu oktobarsku noć 2010. godine, neposredno nakon što su izbrojani glasovi. A nakon čega su, sjećamo se, gotovo svi slavili.

Novo prestrojavanje: No, i Dodik – znakovito! - sve manje govori o hrvatskoj jednakopravnosti u Federaciji, a sve više o "slučaju Srba" na toj istoj teritoriji. Znači li to da iduće godine, kada se, kako se nada Moon, naši političari uozbilje, slijedi novo prestrojavanje

Bolja budućnost?!

Lagumdžija – neočekivano – uvjerljivu pobjedu, a Čović stolni grad Mostar, u kojemu bi stolovao – osobno. Hadezeovski je lider u to vrijeme vjerovao i kako će biti novi predsjedavajući Vijeća ministara, na što mu je sarajevski sugovornik uzvratilo kako to prije može biti njegova tetka. Mnogo je vode od tada proteklo Miljackom, a osobito Neretvom; još su mnoge, osobito federalne bitke vodili ovi, kako stvari stoje, doživotni čelnici svojih stranaka... Lagumdžija, istina, nije, kao što je obećao, zaposlio Čovićevu tetku (uskočio je Vjekoslav Bevanda), Federacija je, dojam je, u bezizlazju, a ni unutar šestorke ne vlada baš bratstvo-jedinstvo. Kakav su sve donedavno nastojali ostaviti dojam navjestitelji bolje budućnosti za Bosnu i Hercegovinu.

Zapravo, nakon ručka kod Radončića malo je bilo onih koji su bili spremni potvrditi kako su Lagumdžija i Čović gotovo na pozicijama iz rane jeseni 2010. No, umjereni optimist povodom rasplitanja bosanskog čvora, američki veleposlanik Patrick Moon nije mogao dugo kriti svoje razočaranje činjenicom da su lideri zalud prljali Radončićevo, ili suđe njegove

supruge, svejedno. Nije Moon – diplomat je uvijek diplomat – išao u detalje. Tek je iz poruke s tornja kako je šestorka dogovorila svoj kratkoročni plan do kraja ove(?) godine, pročitao kako je malo falilo da se taj ručak pretvori u posljednju večeru. Ipak, kazao je kako se nada da će se iduće godine uozbiljiti.

Lijepa je to, ali i velika želja američkoga ambasadora. Budući se, naime, u BiH ni male želje odavno ne ispunjavaju, teško je vjerovati da će se uozbiljiti ljudi koji se godinama šale. Na tuđi račun, dakako!

Posebno je u tom kontekstu ilustrativan odnos SDP-a i HDZ-a. O svoj neprirodnosti nedavnog vezivanja zastava jedne stranke, maneken čije je multietičnosti godinama bio Željko Komšić, kojega zapadni dio stolnog grada nikada nije vidio iz sigurnosnih razloga, i druge, nacionalne i stožerne koja je opoziciju, ne samo prema SDP, nego i Sarajevu, kao stolnom gradu Bošnjaka, gradila baš na slučaju Komšić – govori i to što je u aktualnom političkom preslagivanju stožernik Čović povjerovao multietičnom Lagumdžiji kada mu je ovaj u Mostaru obećao kako je spreman da zajednički, uz malo pomoć eresovskih Srba, definira načelo da jedan narod drugom neće birati predstavnike u državnim institucijama. Kao što su dosada Bošnjaci birali Lagumdžijinog Hrvata.

Što je pisac htio kazati

Na temelju toga Čovićeva uvjerenja, isplela se i teorija kako Lagumdžijin pristanak da osigura hrvatsku jednakopravnost, zapravo znači da Hrvatima ni federalna jedinica, što je, dakako, samo drugo ime za hrvatski entitet – nije daleko. Ubrzo se, međutim, pokazalo kako Lagumdžija do Mostar i Lagumdžija poslije Mostar nisu ista osoba. Čovićevo uvjerenje kako je u stolnom gradu dogovoren kodeks ponašanja i način kako riješiti (svaki) problem bilo je pogrešno.

Toliko da Božo Ljubić, nakon sarajevskog summita, više i ne želi tumačiti ono što, komentirajući ručak u Avazu, govori Lagumdžija. Suzdržavam se, veli lider devedesetke, komentirati odgovore svojih kolega, a pogotovo ono "što je pisac htio kazati". S tumačenjem naši suvremenika, međutim, nikakvih problema nema veleposlanik Moon.

Tako Amerikanac, što ćete, može mu se, jasno i glasno kaže: "Jasno je da u ovoj zemlji nisu potrebne dalje podjele. Zemlja treba da se ujedini na način koji će ujediniti građane da rade na zajedničkim ciljevima. Ova ideja o trećem entitetu je gledanje unatrag, nitko ne želi ići u tom pravci nakon

rata. Mi želimo ići naprijed. Federacija je mnogo veća i više demokratska kao jedinstven entitet. Treći entitet nije prijedlog koji je na stolu i ja vas uvjeravam da to neće biti rezultat ovog procesa. Ne mogu predvidjeti situaciju u kojoj bi ikada to bilo usvojeno”, poručuje Moon.

Gotovo da nema nikakve dvojbe kako je Lagumdžija shvatio poruku, pa je zato i njegov trenutačni odnos s Čovićem mnogo bliži onom koji pamtim iz dana kada mu je zapošljavao tetku u Vijeću ministara, negoli onom u Mostaru kada su “apsolvirajući slučaj Komšić” vezali zastave.

Ukoliko je, dakle, Lagumdžija spreman biti na američkom putu, a, s druge strane Čović nema strpljenja čekati neka bolja vremena za treći entitet, onda pakt HDZ BiH – SDP doista više nema nikakva smisla. Posebice, zna li se i kako svi esdepeovski dužnosnici o asimetričnom rješenju za izbor člana Predsjedništva BiH govore kao o prošlom vremenu. Budući je povodom onoga što čelnik SDP-a govori u posljednje vrijeme, vrlo, u najmanju ruku, oprezan i Ljubić – čini se kako je hrvatskom bloku na raspolaganju još samo stari dobri Milorad Dodik.

Okupljaju se pučani!

No, i on – znakovito! – sve manje govori o hrvatskoj jednakopravnosti u Federaciji, a sve više o “slučaju Srba” na toj istoj teritoriji. Znači li to da iduće godine, kada se, kako se nada Moon, naši političari uozbilje, slijedi novo preostrojanje. Što bi, makar kada je o hadezeovima riječ, odgovaralo i Europskoj pučkoj stranci. Član kolektivnog šefa države Bakir Izetbegović prošloga je tjedna sudjelovao u radu proširenog Summita grupacija Europskih pučkih stranaka u Bruxellesu. Istina, Izetbegović je u glavnom gradu Unije govorio prije svega o bjelodanoj činjenici da je država BiH ugrožena. Nije, međutim, propustio naglasiti kako je bolja suradnja narodnjaka u BiH u regionu – nužnost.

A kako odgovor na ovu Izetbegovićevu primjedbu, stigla je najava predsjednika Wilfrieda Martensa kako će najjača politička grupacija u Europskom parlamentu baš tim povodom u proljeće 2013. godine organizirati regionalnu konferenciju EPP-a zapadnog Balkana.

Što bi, spomenimo još jedanput Moona, moglo značiti kako će se naši lideri uozbiljiti.

Treći entitet: San i(li) java u Hrvata

Kud narodna vojska prođe...

Dakako da je, kada je o ovoj temi riječ, sve krenulo od Milorada Dodika. Optimalno je da BiH bude cijela iz tri dijela, obznanio je u, doduše, slavljeničkoj atmosferi dok se u Banjoj Luci slavila, ne, dakle, samo obilježavala godišnjica Dejtonskog sporazuma. Eresovski je vožd ovim svojim gestom učvrstio svoju poziciju hrvatskog glasnogovornika, odnosno predsjednika oba HDZ-a – u sjeni. No, nije se Dodik sjetio trećeg entiteta samo zbog toga, ili, e ne bi li ga (hercegovački) Večernji list po drugi put, ne doduše uzastopce, izabrao za osobu godine.

Ne, u rano proljeće Amerikanci se spremaju rekonstruirati Federaciju BiH, budući da i po mišljenju Washingtona, ali i po općoj ocjeni ovakva Federacija ne funkcionira, pa predsjednik neupitnoga entiteta sondira teren za ono što je hrvatski sanak (pusti?) još od vremena pokojne Hercegovine. Direktor Centra za studije jugoistočne Europe u Grazu dr. Florian Bieber se slaže kako u nas neprekidna kriza traje još od 2006. godine. No, također, drži da je pakt dva HDZ-a sa predsjednikom RS-a vrlo negativan za Hrvate.

“Prije svega, Čović je zanemario položaj Hrvata u Republici Srpskoj, i drugo, Dodikova potpora HDZ-u je vrlo oportunistička jer je njen cilj ponajprije slabljenje bosanskohercegovačke države i osnaživanje RS-a. U čemu je”, tvrdi Bieber, “HDZ pomogao, ali bosanskohercegovački Hrvati su izvukli vrlo malo koristi”.

S prvom konstatacijom se, možda i prije svih, slaže aktualni predsjednik Federacije Živko Budimir, koji je tijekom netom okončane američke turneje, na Dodikov plan da Srbima osigura autonomiju u onim federalnim općinama u kojima su 91. bili većina, uzvratio proširenjem Distrikta Brčko. Što je, istina, nešto reducirana ideje od one Budimirove ranije, kada je – također u Americi, ali lani – tretirao Posavinu, naročito one (najbogatije) dijelove gdje su pred rat Hrvati bili većinski narod. No, i ovakvog, skromnijeg Budimira, Dodik je dočekao na nož. Ili, da budem blaži, ismijao je ovaj njegov plan.

A da se daleko otišlo potvrdio je nedavno i Ivan Musa, inače poklonik Čovićeve politike još od stoljeća sedmog. Predsjednik HKDU-a BiH se, naime, zalaže da hrvatska federalna jedinica bude u preddejtonskim granicama. **“Mi smo za federalnu jedinicu s hrvatskom većinom s teritorijalnim diskontinuitetom, a da u nju uđu ona područja koja su Hrvati vojnički kontrolirali dan nakon Dejtonskog sporazuma”**, otkriva Musa i napominje kako i Bošnjaci trenutačno u Mostaru traže ono što su vojnički u ratu držali dan nakon Dayton, baš, kaže, uostalom, kao i Srbi u – Srpskoj.

Slijedom čega se, u biti, potvrđuje ono što je i otprije jasno – RS je za hrvatske stranke završena priča. Uostalom, HDZ-ov zastupnik u Parlamentarnoj skupštini Dragan Vrankić nedavno je u jednom intervjuu sam (sebi) postavio pitanje: Zašto samo hrvatsko pitanje rješavati u FBiH? Odmah je, jer, veli, odgovor je jednostavan, i odgovorio: Zato što nema Hrvata u RS-u!

U očekivanju proljeća i američke inicijative, počeli su se prilično često objavljivati zemljovid, što – usprkos podsjećanja na istu sliku iz ranih devedesetih – i ne mora biti (baš) zlokobno. Tako politički analitičar Nedim Jahić vjeruje kako bi najbolje bilo Federaciju regionalizirati na tri dijela. Umjesto deset federalnih županija, uspostavile bi se Ujedinjene regije. Budući sam naziv, misli Jahić, podrazumijeva dozu federalizma, što djeluje u pravcu smanjenja političkih frustracija i trenutačnih težnji stranaka okupljenih oko trećeg entiteta, ideja bi mogla – proći. Usto, on predlaže i uspostavu jednodomnog parlamenta, a najznačajnija figura bio bi premijer. Svaka regija davala bi po trećinu ministara iz triju naroda i ostalih, ojačala bi se i izvršna vlast regije i istodobno ukinula zakonodavna – a osigurala bi se i financijska autonomija regija.

Dosta, znači, elemenata koji bi se mogli svidjeti tandemu Čović – Ljubić (pa možda i Musi). No, hrvatske su se stranke, dojam je, okupile isključivo oko ideje trećeg entiteta. A posebice su u tome ustrajne, gotovo isključive nakon aktualnog dogovora u tokutu Dodik – Lagumdžija – Čović.

Politika: Zašto su opasne izmjene zakona o izvršavanju međunarodnih obaveza

Lagumdžija Republici Srpskoj daje nadležnosti države

Prijedlogom zakona o postupku zaključivanja i izvršavanja međunarodnih obaveza, koji je u proceduru uputio Zlatko Lagumdžija, daje Miloradu Dodiku državne ovlasti i otklanja mu sve prepreke za realizaciju projekata "Dubrovnik dva", koji rade vlade RS-a i Hrvatske, zatim projekat gasovoda "Južni tok", projekat "Gornja Drina" s njemačkom kompanijom i "Srednja Drina" u koji ulazi sa Srbijom, odnosno talijanskim investitorima. Od stranih investitora, koji su zainteresirani za proizvodnju jeftine struje, Dodik zauzvrat traži političku podršku njihovih zemalja u EU za "stvar Republike Srpske"

Krajem prošle sedmice objavljena je informacija u kojoj se kaže da je predsjedavajući Vijeća ministara BiH Vjekoslav Bevanda generalnom sekretarijatu dostavio set od desetak zakonskih akata koje mu je 27. novembra na memorandumu SDP-a uputio predsjednik te partije dr. Zlatko Lagumdžija. Na taj su način, ustvari, u zakonsku proceduru krenuli prijedlozi zakona o postupku zaključivanja i izvršavanja međunarodnih obaveza, te izmjene i dopune zakona o Centralnoj banci BiH, Vanjskotrgovinskoj komori BiH, državnoj službi u institucijama BiH, sukobu interesa u institucijama BiH, Visokom sudskom i tužilačkom vijeću BiH, javnim nabavkama BiH te Izbornom zakonu BiH. Dostavljen je i redoslijed aktivnosti vezanih za Elektroprenos BiH, te zaključak o reciprocitetu.

Integracija sa Srbijom: "Državna nadležnost" nad tim projektom ne odgovara Miloradu Dodiku jer bi se neko sa državnog nivoa prije davanja saglasnosti mogao pitati da li je ovaj projekt samo jedna od prvih stepenica u najavljenj integraciji i spajanju kompanija Elektroprivrede RS-a Trebinje i Elektroprivrede Srbije. Tu je integraciju i spajanje prije par godina najavio sam Milorad Dodik, čime bi se zapravo povezali i integrisali elektroenergetski sistemi RS i Srbije u jedan sistem, čime se, naravno, dovodi u pitanje i državnost BiH

Zlatko Lagumdžija, lider SDP-a i ministar vanjskih poslova BiH, dostavio je ovaj set zakona sa propratnim dopisom u kojem konstatira, da predložena zakonska rješenja "doprinosu poboljšanju ekonomske situacije u zemlji i jačanju institucionalne efikasnosti". Nažalost, zaista je teško povjerovati u takve tvrdnje, jer su sva spomenuta nova zakonska rješenja zapravo samo konkretna implementacija dosta kritikovanog sporazuma Dodik - Lagumdžija, kojim se, kako su to primijetili i predstavnici opozicije, lideru manjeg bh. entiteta maksimalno ide "niz dlaku" u zamjenu za održanje dr. Zlatka Lagumdžije u fotelji ministra vanjskih poslova.

Projekat RS-a i Srbije

Od svih spomenutih zakona jedan od najinteresantnijih i potencijalno najopasnijih je Prijedlog zakona o postupku zaključivanja i izvršavanja međunarodnih obaveza. U članu 5. spomenutog zakona predviđa se mogućnost da Parlamentarna skupština BiH predvidi da za određene vrste međunarodnih ugovora nije potrebna saglasnost države, čime se zapravo, entitetima dodaje i element državnosti.

U tom se zakonu, također, propisuju i rokovi za ratifikaciju ugovora i to od momenta podnošenja inicijative do krajnjeg procesa ratifikacije, a uvodi se i nova kategorija hitnosti u okviru koje se procedure za taj postupak smanjuju na minimalan broj dana (do najviše pet po koracima koje treba poduzeti). Prema pisanju Oslobođenja ove izmjene zakona uglavnom su urađene zbog potencijalnih novih zaduženja Republike Srpske. Naime, Miloradu Dodiku i Republici Srpskoj više ni novi kreditni aranžman sa MMF-om nije dovoljan za kupovinu socijalnog mira, a državna saglasnost za novo zaduženje mogla bi usporiti i možda čak onemogućiti "priliv novca" u RS.

Međutim, osim spomenutog postoji i još jedan izuzetno važan element iz novog zakona o kojem se, nažalost, kod nas još uvijek ne govori dovoljno. Naime, u Sporazumu SDP-a i SNSD-a o programskoj/projektnoj saradnji u zakonodavnoj i izvršnoj vlasti u BiH u periodu od 2012. do 2014. godine u tački 2.9. Dodik i Lagumdžija navode da su se zapravo saglasili i izrazili spremnost, kako to doslovno piše, "za zajedničko investiranje elektroprivreda uz angažman eksperata i procjenu realnih potreba i mogućnosti. U Vijeću ministara BiH razmotriti mogućnost davanja koncesije zainteresiranim investitorima, odnosno saglasnosti na koncesije za izgradnju hidrocentrala u srednjem toku Drine, uz definisanje cjelovitog sistema upravljanja tokom Drine". Ovaj dogovor iz sporazuma bi, nažalost, također mogao da bude podveden pod novi prijedlog zakona.

O čemu je riječ? Vlada Republike Srpske i Vlada Srbije odavno najavljuju kako namjeravaju zajedno izgraditi nekoliko hidroelektrana - Dubravica, Tegare i Rogaćica - na rijeci

CHEVRON FOOD MART

535 Canton Hwy
Cumming, Ga 30040
770-888-8883



**VELIKI IZBOR
BOSANSKIH
PREHRAMBENIH
PROIZVODA
VISPAK, KLAS, PODRAVKA, KRAŠ, KOLINSKA**

Zia Travel

Independent Travel Agent
Raziya Poric

6414 A. Hampton Ave, Suite 3
St. Louis, MO 63109

314-638-7347

toll free 877-540-6729

cell 314-600-3265

ziatravelstl@yahoo.com



Drini u sklopu takozvanog projekta "Srednja Drina", ukupne instalisane snage 321,45 megavata, sa prosječnom godišnjom proizvodnjom struje od oko 1.200 gigavat-sati. Vrijednost ovog projekta procijenjena je na 830 miliona eura, a budući da su obje vlade s obje strane Drine u osnovi bez novca za ove investicije u cijelu se priču uvodi i italijanska kompanija Seci Energia.

Banja lučke Nezavisne novine, inače veoma bliske vladajućem SNSD-u i Miloradu Dodiku, uz bilo koju priču o ovoj italijanskoj kompaniji uvijek naglašavaju da je izbor strateškog partnera za Elektroprivredu RS-a Trebinje u nadležnosti Vlade Republike Srpske i da to predstavlja jedan od načina dodjele koncesije, što je svakako veoma bitan detalj. Također je veoma važno spomenuti i da bi RS u ovom projektu trebala, dakle, obezbjediti izvjesnu količinu novca kojeg trenutno nema, a kojeg može "namaći" samo zaduživanjem kod međunarodnih institucija. Međutim, za to zaduživanje RS bi zapravo trebala garanciju države BiH, što s druge strane može biti dosta pravno gledano problematično, jer se radi o projektu entitetske a ne državne kompanije Elektroprivrede RS-a Trebinje.

Državna nadležnost

Prema trenutnim zakonskim propisima u BiH, Republika Srpska može sama raditi ovaj projekt, ali prije toga bi Vijeće ministara BiH trebalo dati saglasnost, potom da taj projekt potvrde i oba doma Parlamentarne skupštine BiH, a nakon toga da resorno ministarstvo raspiše tender na čiji tekst treba saglasnost koju daje regulatorno tijelo - u ovom slučaju Ko-

Osman "Cico" Vujinović

cell: 404-550-8054
fax: 404-641-1831
e-mail: osmanvu@gmail.com

**Specijalnosti:
bankovne kuće,
foreclosure i HUD kuće**

misija za koncesije BiH. Ista komisija na kraju treba dati saglasnost na sam ugovor ili na izradu "feasibility studije". Dakle, donošenje konačnih odluka u ovom slučaju je prema sadašnjim zakonskim propisima na nivou države, što je nedavno nedvosmisleno potvrdio i Hamed Mešanović, predsjednik Komisije za koncesije BiH, rekavši da je cjelokupni projekt "Srednja Drina" ustvari "nadležnost državnih institucija".

Naravno, ova "državna nadležnost" nad tim projektom ne odgovara Miloradu Dodiku jer bi se neko sa državnog nivoa prije davanja saglasnosti mogao pitati da li je ovaj projekt samo jedna od prvih stepenica u najavljenoj integraciji i spajanju kompanija Elektroprivrede RS-a Trebinje i Elektroprivrede Srbije. Tu je integraciju i spajanje prije par godina najavio sam Milorad Dodik, čime bi se zapravo povezali i integrisali elektroenergetski sistemi RS-a i Srbije u jedan sistem, čime se, naravno, dovodi u pitanje i državnost BiH.

Međutim, čak i u slučaju kada bi se ispoštovala cjelokupna sadašnja zakonska procedura u projektu "Srednja Drina" i kada bi nova "šestorka" obezbjedila saglasnost na državnom nivou za ovaj projekt, onda bi ipak još uvijek postojala latentna opasnost za Dodika i RS da neko iz BiH podnese tužbu Međunarodnom sudu u Strasbourgu zbog ovog projekta – što je svojevremeno najavljivao Amer Jerlagić, direktor Elektroprivrede BiH – jer je on, obzirom da je Drina pogranična rijeka, ipak u nadležnosti države. Zbog toga je u zakonsku proceduru uostalom i upućen Prijedlog zakona o postupku zaključivanja i izvršavanja međunarodnih obaveza, a šta on predviđa jasno piše u spomenutom sporazumu Dodik – Laumdžija.

Nažalost, postoji još jedna jako važna stvar o kojoj trenutno niko i ne razmišlja u Bosni i Hercegovini. Elektroenerget-



Dino Multi-Services

PREVODI, NOTARSKI I ADMINISTRATIVNI POSLOVI

Pružamo usluge:

- Notara, Apostille (međunarodna nadovjera dokumenta)
- prevođa i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU

NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO

Medical Alert for Seniors

Medical Alert Monitoring
24/7

ONLY
\$29⁹⁵
month

- Free Equipment
- Free Shipping
- Easy Setup
- Nationwide Service



HELP AT THE PUSH OF A BUTTON!

Medical Guardian

Call Today:
1-888-417-9303



Buried in student loans?

Cut your payments up to 50% today.
Call 877-233-6806.

- ▶ STOP the harassing calls, and wage garnishments.
- ▶ END the stress of being late on payments!

WE CAN FIX YOUR STUDENT LOAN PROBLEMS OR YOU DON'T PAY — GUARANTEED.

- Cut your payments by as much as 50%
- Get out of default
- Stop wage garnishments
- End the stress
- Get relief FAST

Toll Free Student Aid Assistance Line
877-233-6806



FASTV

www.fastv.com

60+ HD Kanali iz Bosne i Balkana

1000+ Video Na Zahtjev (VOD)
100+ Radio Kanali

Svi kanali se emituju po Evropskom i
Lokalnom Američkom Vremenu

CATCH UP TV
Mogućnost snimanja i čuvanja
emisija do 7 dana

**BEZ UGOVORNE
OBAVEZE**

SAMO
\$20

Mjesečno
Uključujući
takse!

BESPLATNO

HD RESIVER



samo \$20



FASTV

FASTV / 4778 N. Elston Ave / Irving Park, IL 60630

1-866-639-8911 / www.FASTV.com

ski sektor je izuzetno važan sektor danas bilo gdje u svijetu i strani se investitori rado "lijepe" za sve projekte u ovom sektoru. Zapravo, čak i uprkos globalnoj finansijskoj krizi danas zapravo uopće nije nikakav problem naći investitora za projekte proizvodnje električne energije, a posebno u ovakvim slučajevima kada je proizvodnja locirana, naprimjer, u BiH, a do investitora negdje u Evropi samo "vodi žica". To je ideal za sve evropske investitore – jeftina i prljava proizvodnja je smještena negdje na rubu Evrope, a čista i izuzetno jeftina struja stiže žicom do evropskog tržišta.

Jeftina struja

Naravno, toga je svjestan i Milorad Dodik koji posljednjih par godina zdušno i predano traži investitore u zapadnoj Evropi za elektroenergetske projekte u BiH i RS-u, pri čemu im, kako saznajemo od dobro obaviještenog diplomatskog izvora, koji je zatražio da ostane anonimn, nudi sve i zauzvrat postavlja samo jedan uvjet – da kasnije, kada zatreba, utiču na svoje vlade da u Evropskoj uniji da podrže "stvar Republike Srpske". Dodik i "stvar Republike Srpske" već odavno ima bezrezervnu podršku Rusije, ali bi im svakako u budućnosti dobro došla i podrška Italije, Njemačke, Britanije, Francuske ili neke druge jake zemlje iz evropske zajednice. A s obzirom da je riječ o elektroenergetskom sektoru i jeftinoj proizvodnji električne energije danas u Evropi baš i nema puno kompanija koje neće spremno i lako žrtvovati političku budućnost BiH kao države u zamjenu za elektroenergetske resurse.

U svjetlu ove teze treba, naravno, promatrati i sve ostale projekte Vlade RS-a. Tu, prije svega, mislimo i na projekat "Dubrovnik dva" kojeg zajedno rade Vlada RS-a i Republike Hrvatske, projekt gasovoda "Južni tok" i projekt "Gornja Drina". O prva dva projekta se već dovoljno zna, ali dodajmo da su u okviru projekta "Gornja Drina" Republika Srpska, odnosno Elektroprivreda RS-a Trebinje, potpisali nedavno ugovor sa njemačkom kompanijom

RWE Innogy GmbH o strateškom partnerstvu za istraživanje, izgradnju i korištenje hidropotencijala gornjeg toka rijeke Drine, što je također prema sadašnjim zakonima u nadležnosti države. Potpisani ugovor odnosni se na projekt izgradnje četiri hidroelektrane vrijedne 460 miliona eura, ukupne snage 210 megatava, a koji će, kako je planirano, proizvoditi 760 gigavat-sati električne energije. Nijemci bi tri tome imali 60 posto vlasništva nad proizvodnim pogonima, a Elektroprivreda RS-a bi bila manjinski dioničar koji kontrolira 40 posto kapitala.

Kada je u ovdašnjoj javnosti najavljen ovaj projekt uslijedile su burne reakcije iz Crne Gore, budući da ova država uopće nije bila upoznata sa aktivnostima koje mogu ugroziti i njenu životnu okolinu. U slučaju ovog dogovora Dodika sa Nijemcima država BiH je prema važećim zakonima trebala upoznati Crnu Goru s tim projektom, budući da je Drina pogranična rijeka, i da je situacija u ovom slučaju normalna BiH bi kontaktirala sve države koje su ugrožene po pitanju vodotoka rijeke Drine. Tu, naravno, spada pored Crne Gore i Srbija, te zbog toga Hamed Mešanović, predsjednik Komisije za koncesije BiH, u vezi ovog projekta kaže da se zato i govori da je ovdje u pitanju pravni subjektivitet države BiH a ne jednog njenog entiteta.

Naravno, Milorad Dodik je u svom bahatom stilu u ovom slučaju izjavio da su hidroelektrane u nadležnosti RS-a i da "smo mi suvereni i da nikakva Crna Gora ni protestnim niti bilo kakvim drugim notama neće moći to da spriječi". S druge strane, Dušanka Majkić, delegat SNSD-a u Parlamentu BiH, stalno dovodi u pitanje državnu Komisiju za koncesije BiH tvrdeći da je treba ukinuti, što, naravno, uopće nije slučajno. Novim Prijedlogom zakona o postupku zaključivanja i izvršavanja međunarodnih obaveza koji je u proceduru uputio dr. Zlatko Lagumdžija SNSD-ovci su konačno riješili i ovaj za njih do sada krupan i nesavladiv problem. Svim je drugo pitanje da li je cijena koju država BiH treba u ovom slučaju platiti previsoka?

Strane investicije i politička podrška

Stvar Republike Srpske

S obzirom da su sve države zapadne neoliberalne ekonomije jako okrenute privatnom biznisu, te da su na izvjestan način i država i državna diplomatija zapravo samo servisi u službi krupnog privatnog biznisa, Dodik zapravo djeluje veoma smišljeno po principu "para vrti gdje burgija neće".

Angažirajući velike zapadne kompanije u elektroenergetskom sektoru RS-a Dodik zauzvrat traži od predstavnika te kompanije pritisak na njihove vlade da kasnije, kada zatreba, podrže "stvar Republike Srpske" u EU, na šta će strane kompanije veoma lako pristati. Stoga ako mislite da za par godina vlade Hrvatske, Italije ili Njemačke na nagovor svojih kompanija neće stati iza Milorada Dodika i Republike Srpske – varate se.

Uostalom, BiH je već imala dosta slučajeva takvog ponašanja. Primjer, 2000. godine tadašnji ambasador SR Njemačke u BiH Arne Freiherr von Kittlitz und Ottendorf otvoreno i javno prijetio da će ova zemlja obustaviti sve investicije u BiH ako Elektroprivreda BiH Sarajevo prestane isporučivati njemačkom Debisu struju po cijeni nižoj od tržišne?!?

Elektroprivreda BiH je, naime, prije toga najavila da će raskinuti ugovor s Debisom na osnovu jednog člana iz tada važećeg ugovora koji je, uostalom, i propisivao mogućnost raskida ugovora ako ugovorena cijena električne energije bude niža od tržišne. No, bez obzira na to što je EP BiH imala potpuno pravo na raskid takvog ugovora te na činjenicu da je u ovom slučaju bila riječ o obligacionim odnosima dvije kompanije s kojima tadašnje vlade dvije države nisu imale apsolutno nikakve veze, tadašnji njemački ambasador von Kittlitz ipak se osjetio pozvanim da ode u ured ministra civilnih poslova BiH Safeta Halilovića i da zaprijeti prekidom svih budućih njemačkih ulaganja u BiH, što je nevjerovatan diplomatski gaf i politički pritisak bez presedana. Stoga ni njemačka vlada teško da će imati drugačiji stav od Von Kittlitz u slučaju zaštite njemačkih privatnih investicija u projekte "Gornje Drine" vrijedne 460 miliona eura.

NOVO PRVA AŠČINICA -SLASTIČARNA U LAWRENCEVILLE NOVO

ADRIATIC GRILL

Mediterranean Grill - Coffee & Pastry

GYRO - DONER KEBAB
SVE VRSTE DOMAĆIH PITA,
KOLAČA I TORTI

Radimo po narudžbi jela i kolače!

770 299 1115

E-mail: adriatic.grill@yahoo.com

396 W.Pike St.

Lawrenceville, GA 3045



Senad i Sevleta Čamdžić

Eurotel Agencija

PONOVO NAJBOLJI

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! **KVALITETAN SERVIS!**

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

NAJPOVOLJNIJE CIJENE!

Bosna	samo 6.9 c/m!
Srbija	7.9 c/m
Hrvatska	samo 1 c/m!
Crna Gora	9.9 c/m
Makedonija	7.9 c/m
Zapadna Evropa	2.9 c/m

Zovi!

Koristi!

Uštedi!



Secesija: Od Laktaša do Teksasa

Mile Katalonac i baršunaste revolucije

Vojvodina je naknadno '45. serbizirana i to nakon strahovitog etničkog čišćenja Dunavskih Švaba, te kroz asimilaciju i iseljavanje dijela Mađžara. Paralela sa iseljavanjem Bošnjaka i Hrvata iz Srpske, naprosto se nameće. Osobito, zna li se kako Dodik i dalje inzistira na etnički čistom entitetu, a, u posljednje vrijeme pokazuje i pretenzije da zagazi na teritorije općina Federacije u kojima su '91. Srbi bili većina... Problem, međutim, nije toliko u toj eresovskoj ambiciji, koliko u činjenici da novi Dodikov politički saveznik Zlatko Lagumdžija još nije reagirao na ovaj banjolučki plan

Nije slovački predsjednik Ivan Gašparovič mogao izabrati gore mjesto od Banje Luke i Dodikova tamošnjeg kremija, e da bi evocirao uspomene na Baršunastu revoluciju Čehoslovačkoj, te povukao "paralelu" na Republiku Srpsku i Bosnu i Hercegovinu. Secesija je, naime, omiljena tema tamošnjih dužnosnika, na čelu sa drugom Milom, koji, doduše, zna kako se ovdje ne bismo – kao u Čehoslovačkoj – razdruživali uz pucanj šampanjca, nego uz nešto teže naružanje. Pa, ipak, i dalje tvrdi kako će (im) Srpska pasti u krilo k'o zrela kruška – čim Katalonija ostvari svoj cilj. Neovisnost, dakle!

Brojke i slova: Vlajki, po vlastitu priznanju, ima slikovito objašnjenje. Imate, veli taj, jedan od rijetkih eresovskih Hrvata(?!), pozivne brojeve za Srbiju 381, za Crnu Goru 382 – 383 i 384 nema nitko, 385 je Hrvatska, 386 je Slovenija, 387 je BiH, a 388 opet ništa i 389 je Makedonija. E, pa 383 je dodijeljeno, prisjeća se Vlajki, Kosovu. Ostaje pitanje komu će pripasti 384 i 388?

No, ima, što bi kazao prvi ispod eresovskog vožda. Emil, znači potpredsjednik RS-a, Vlajki tu jedna misterija. Godinama se, naime, postavlja pitanje: Je li dovršeno prekrivanje granica na Balkanu?! Ako pitate nekoga iz međunarodne zajednice odgovor je odlučno – Da! No, Vlajki, po vlastitu priznanju, ima slikovito objašnjenje. Imate, veli taj, jedan od rijetkih eresovskih Hrvata(?!), pozivne brojeve za Srbiju 381, za Crnu Goru 382 – 383 i 384 nema nitko, 385 je Hrvatska, 386 je Slovenija, 387 je BiH, a 388 opet ništa i 389 je Makedonija. E, pa 383 je dodijeljeno, prisjeća se Vlajki, Kosovu. Ostaje pitanje komu će pripasti 384 i 388.

Konfederacija

Zanimljivo, nema što. Iako, iz perspektive dopredsjednika RS-a i nema prevelikih dvojbi. Ako se ovakvo stanje nastavi, drži ovaj dužnosnik boljeg dijela BiH, RS se mora progla-

siti konfederativnom jedinicom, te, usput, onako profesorski, drži mali tečaj: Konfederacija je kada se samostalna država udružuje sa nekom drugom i može se udružiti sa nekom drugom. To, tvrdi, treba dobro pripremiti i za to naći saveznike.

Kako je, zapravo, Vlajki (i) ovom prigodom citirao svoga šefa, ne bi bilo loše i da ga, e kad se već tako dobro slažu, pouči glede secesionističkih ambicija u Europi. (pa, i šire!) Dodiku je, kao što smo vidjeli, Katalonija – uzor. I, doista, 25. studenog ove godine na tamošnjim oblasnim izborima 57 posto glasova osvojile su stranke koje su se izjašnjavale za neovisnost Katalonije i njezino odcjepljenje od Španjolske. Zanimljivo je, međutim, kako na ovaj "slučaj" gleda tamošnji tisak. "Ono što je počelo s Hrvatskom i Slovenijom te dovelo do raspada Jugoslavije, sada je zahvatilo Španjolsku, doduše bez rata", pišu španjolske novine, koje su, u kontekstu haškog oslobađanja hrvatskih generala, konstatali kakao je jedna, jugoslavenska priča, dovršena, a u Španjolskoj se rasplamsavaju separatistički zahtjevi.

Tu je, pak, priču Dodik, čekajući da mu neovisnost padne u krilo, tek površno savladao. Kada bi, primjerice, Katalonija postala neovisna, pa potom ušla u Europsku uniju, što je, također, ambicija separatista – bila bi 7. po bogatstvu u toj europskoj obitelji. No, prijevremeni regionalni izbori nisu osigurali konzervativnom bloku CiU dovoljan broj zastupničkih mjesta za organiziranje referenduma o nezavisnosti, što je najavio njihov predsjednik. Konzervativci su, naime, osvojili 12 mandata manje nego na izborima 2010. Usprkos tomu, predsjednik Katalonije Artur Mas ne odustaje od svoga cilja – neovisne Katalonije, koja je, inače, bila u tom statusu davne 1492.

Referendum

Je li u Španjolskoj danas moguća Baršunasta revolucija? Usporedba sa Bosnom i Hercegovinom je, a oko koje se, replicirajući nespretnom(?) Gašparoviču, očitovao Bakir Izetbegović, ma koliko se to činilo nemogućim, primjerena. Ne samo zato što smo mi, baš kada su tamo bili izbori od kojih su separatisti mnogo očekivali, proslavili Dan državnosti, nego zbog



www.bosnianyellowpages.us

jedna web stranica za sve vaše potrebe

činjenice da je po španjolskom ustavu referendum nezakonit, pa ga Madrid neće prihvatiti. Baš, ustalom, kao ni što Sarajevo nikada ne bi priznalo sličan eresovski potez.

Pa, ipak, paralela sa ex-jugoslavenskim prostorom nije isključena. I to, zanimljivo, ne zbog – kako Dodik sanja – RS-a, već zbog Istre! Naime, glavni tajnik IDS-a Tedi Chiavaloni i još dvojica stranačkih čelnika bili su počasni gosti predsjednika Katalonije Masa i bloka Konvergencija i Unija na regionalnim izborima. Budući trenutačno odnosi vladajućeg SDP-a i vrlo bitne članice Kukuriku koalicije nisu baš idilični, pitanje: Otkud IDS u Kataloniji – se samo nametnulo.

“Apsolutno nemamo separatističkih namjera. Mi smo svoje rekli 1943. kada smo se priključili matici Hrvatskoj”, energično je odgovorio na ovo pitanje Chiavaloni. Čime je, u biti, replicirao i eresovskom kolegi koje mu je Katalonija svijetlo na kraju tunela.

Nije, međutim, ni Dodik, taj beogradski miljenik, tu naročito oprezan. U (svakoj) priči o separatizmu, nameće se i ona, sa srpskog gledišta, zlokobna o Beogradskom pašaluku. Pri čemu i oslobođajuću presuda kosovskom junaku Ramušu Haredinaju ima osobit značaj. I dok je Katalonija glasala nadajući se odcjepljenju, BiH, njezin, doduše, samo dio, je slavila državnost, a srbijanski je predsjednik Tomislav Nikolić u Novom Sadu održao govor koji bi trebao obeshrabrati sve poklonike neovisne Vojvodine.

Zrela kruška

“Nitko ne smije ugroziti ustavnu autonomiju Vojvodine, kao što nitko ne smije povrijediti Ustav Srbije”, kazao je Nikolić, pokušavajući, u danima kada se Beograd suočio sa zbilja obeshrabrujućim haškim presudama, obraniti koncept po kojemu Vojvodina mora ostati u sastavu Srbije. Eh, kada bismo, primjerice, povezali vojvođansku i bosanskohercegovačku priču, Dodik bi žurno prestao čekati da mu (neovisna) Srpska sama padne, k'o zrela kruška, u naručje. Vojvodinu je, naime, naknadno '45. serbizirana i to nakon strahovitog etničkog čišćenja Dunavskih Švaba, te kroz asimilaciju i iseljavanje dijela Mađara.

Paralela sa iseljavanjem Bošnjaka i Hrvata iz Srpske, naravno se nameće. Osobito, zna li se kako Dodik i dalje inzistira na etnički čistom entitetu, a, u posljednje vrijeme pokazuje i pretenzije da zagazi na teritorije općina Federacije u kojima su '91. Srbi bili većina... Problem, međutim, nije toliko u toj eresovskoj ambiciji, koliko u činjenici da novi Dodikov politički saveznik Zlatko Lagumdžija još nije reagirao na ovaj banjalučki plan. Baš kao ni na spremnost njegova druga banjalučkog da istovremeno čuva eresovske granice kao zjenicu oka svoga.



Pritom, također, treba kazati kako Bošnjaci, kao jedini na bh. prostoru, koji se na spominjanje secesije hvataju za pištolj, moraju imati u vidu kako je priča o odcjepljenju, 'ajde da se poslušimo aktualnom retorikom, europskim trend. Znamo, dakako, kako Dodiku iz Bruxellesa, na svako dozivanje sko-ka preko Drine, dolazi opomena da su to ćorava posla. Ali, baš ta, kazao bi jedan vispreni zagrebački kolega, kula eu-robabilonska, gdje su se usidrili EU i NATO, je desetljećima podvojena. I to po jezičnoj crti koja se nesretno podudara s ekonomskom diobom na nekad industrijski moćnu Valoniju (a sada osiromašenu i frustriranu), te na Flandriju i Brabant – s posebnom poviješću i posebnom kulturom.

Svi u napad!

Belgija se od Nizozemske odcijepila 1830. i tamo je, bez dvojbe, Baršunasta revolucija moguća. Štoviše, nitko realan ne očekuje da će ovakva Belgija proslaviti 200-godišnjicu.

Riječ je, dakle, o ozbiljnoj priči. Jasno, ni Dodikovu ne treba podcjenjivati. Ipak, njegove su ambicije bliže, što bi (ironično) kazao Los Angeles Times, tzv. secesionističkoj groznici u Americi. Naime, nakon što Barack Obama s obitelji nakon predsjedničkih izbora nije morao seliti iz Bijele kuće, na njegovu je, sad već staru, adresu stiglo 50 zahtjeva za odcjepljenjem. Ukratko, razlaz traži svih 50 država koje čine američku federaciju. Te građanske peticije, piše LAT, traže od savezne vlade da im “mirnim putem ponudi” mogućnost da formiraju vlastitu suverenu vladu.

No, iako ova priča djeluje prilično živopisno, zahtjev Teksasa, ipak, nitko ne podcjenjuje. Ipak, liberalima đavo ne da mira. Tako liberalni politički magazin Nova republika iz pera Chucka Thompsona, autora knjige Bolje je bez njih; manifest sjevera za južnjačke secesioniste, poručuje kako bi Teksas bio zemlja konzervativnih fantazija.

Što fali RS-u?!

Imala bi, kaže, nejaku vladu sa minimalnim utjecajem na osobne živote svojih građana, ekstremno slabe sindikate, zanemarljive poreze na prihode, dominantno kršćansko stanovništvo, bez obveznog socijalnog osiguranja, stroge društvene zabrane uključujući i one koji se odnose na homoseksualce, te apsolutnu slobodu nošenja oružja – čak i onog automatskog!

Ovaj teksaški san, veli Thompson, u stvari nije san – takva država već postoji. Ime joj je Demokratska Republika Kongo.

A što fali Demokratskoj Republici Srpskoj?!

INTERVJU: Bakir Izetbegović

Podjela BiH je nemoguća misija

Bošnjački član Predsjedništva BiH, Bakir Izetbegović govori o tome zašto će uvijek reagirati kad neko napadne integritet BiH, odnosima sa islamskim zemljama, politici SAD-a i EU prema BiH, odnosima u regionu važnosti pristupanja BiH NATO-u te dešavanjima unutar SDA

Gospodine Izetbegoviću, reagirali ste na izjavu slovačkog predsjednika Ivana Gašparoviča u Banjoj Luci, koji je usporedio Republiku Srpsku i Bosnu i Hercegovinu sa Slovačkom i Češkom, zemljama koje su se mirno razdružile iz nekadašnje zajedničke države, tražeći hitan sastanak s ambasadorom Slovačke u BiH Miroslavom Mojžitom koji je, izražavajući žaljenje, istakao podršku Slovačke teritorijalnom integritetu i suverenitetu BiH. No, na tom sastanku ste rekli da se nikada ne smije izgubiti iz vida da je entitet RS-a nastao agresijom, genocidom i etničkim čišćenjem Bošnjaka i Hrvata i da nema nikakvih pravno-historijsko-moralnih preduslova za ostvarenje zahtjeva za eventualnom samostalnošću RS-a čime ste izazvali reakcije iz RS-a. Te teme, očito i 20 godina nakon rata u BiH dovode do sporenja. Koliko po Vama iznošenje tih činjenica s pozicije člana Predsjedništva BiH dovodi u BiH do suočavanja s prošlošću, a koliko do podizanja novih tenzija koje vode u dalju podjelu bh. društva?

Budžet: "Nebojša Radmanović je ponudio amandmane koji su predlagali dalje smanjenje budžeta, naročito u odnosu na Oružane snage, ali je na nagovor Željka Komšića odustao pa su zajedno usvojili prijedlog budžeta koji je u potpunosti baziran na aktu Ministarstva finansija"

IZETBEGOVIĆ: Žao mi je što moram reagovati kako sam reagovao, što moram podsjećati na bolnu prošlost i, kako kažete, podizati tenzije. Ali mora se reagovati na očigledan plan legalizacije teme "mirnog razdruživanja" koja se na različite načine uvodi od strane pojedinih političara iz Banje Luke i koja traži istomišljenike i podršku u međunarodnoj zajednici. Ogromna sredstva se troše na lobiranje u Americi i u zemljama EU da se dokaže kako je održanje BiH "nemoguća misija", kako će se prije ili kasnije raspasti. Traži se odlazak OHR, ukidanje oružanih snaga, prijeti referendumima o otcjeplje-

nju. Cilj je ukloniti mehanizme i institucije koje štite integritet zemlje, zamoriti međunarodnu zajednicu i patriotske snage u BiH. Isprobava se naša reakcija. Šutnja i pasivan odnos nas koji želimo očuvati cjelovitost zemlje dala bi aktivan doprinos ovakvim tendencijama. Trebamo se ugledati na Jevreje, uvijek nanovo podsjećati na zločine koji su počinjeni i kojim su kreirane etnički čiste teritorije i neprirodne podjele. Moramo upozoriti političare koji imaju na umu secesiju da će se naći na udaru državnih mehanizama zaštite, te upozoriti građane da nas sve takvi političari vode ka novim konfliktima sa nesagledivim posljedicama.

Kada ste reagirali na izjave predsjednika Srbije Tomislava Nikolića, zbog negiranja genocida u Srebrenici, negiranja odgovornosti Srba za ratne zločine, pa i Radovana Karadžića i Ratka Mladića, Milorad Dodik Vas je optužio da ste "lažni predstavnik građana BiH" i za "politički ekstremizam", dok su Vaše izjave u Sarajevu procijenjene jednim dijelom kao populističke i dodvoravanje bošnjačkim biračima, te Vam je zamjereno zašto niste reakciju prepustili međunarodnoj zajednici. Kako to komentirate?

IZETBEGOVIĆ: Dodik je šampion verbalnog političkog ekstremizma o čemu svjedoči i posljednji izvještaj Visokog predstavnika o stanju u BiH iznesen pred Vijećem sigurnosti Ujedinjenih nacija. Ja ću nastaviti da branim ustavnopravni poredak i integritet zemlje, da upozoravam na posljedice koje može izazvati takav ekstremizam, i bit ću sve uporniji i glasniji, bez obzira na mišljenje Milorada Dodika ili dijela našeg političkog miljea. Šta god ja rekao ili prešutio, dio naših kritičara, naročito sa lijeve strane političkog spektra, će smatrati da nije tako trebalo, da je trebalo drugačije, itd.

Dodik je u tom reagiranju predložio da ukoliko sumnjate da iza njegovih stavova ne stoji većina građana RS-a, pitanje statusa BiH provjerite na referendumu u RS-u uz dogovor da poštujuete rezultate referendumu ma kakvi oni bili. Kako biste reagirali da Dodik zaista raspiše referendum za odcjepljenje RS-a?



jedna web stranica za sve vaše potrebe
www.bosnianyellowpages.us



Brana Srećna Draga.
brothersisterfood.com

Olde Salem Apartments

CALL FOR SPECIAL OFFERS*

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies



Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045
Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.



NO APPLICATION FEE! **

*Prices & Specials Subject to Change. **With Approved Credit.



Bakir Izetbegović: "Trebamo se ugledati na Jevreje, uvijek nanovo podsjećati na zločine koji su počinjeni i kojim su kreirane etnički čiste teritorije i neprirodne podjele"

IZETBEGOVIĆ: Referendum se može raspisati samo na nivou države, kompletne nacije, nikako na nivou entiteta, kantona, pojedinih etničkih grupa. Oni koji planiraju praviti jednostrane referendume trebaju ne tri, nego tristo puta razmisliti o tome u šta se upuštaju, imati navedeno u vidu, i, naravno, znati da će protiv sebe imati institucije države Bosne i Hercegovine, velesile koje su garant Dejtonskog mirovnog sporazuma i patriote ove zemlje koji nemaju alternativnu domovinu i alternativnu opciju. Naravno, ja bih reagirao svim legalnim sredstvima koja mi stoje na raspolaganju.

Planirate li susret s Nikolićem i koliko sadašnja situacija, s obzirom i na zahlađenje odnosa na relaciji Zagreb – Beograd doprinosi zatezanju odnosa u regionu, i stagnaciji u BiH i Srbije?

IZETBEGOVIĆ: I Srbiji i BiH treba normalizacija odnosa, to je stvar interesa a ne emocija. Ja sam spreman saradivati sa predstavnicima Srbije koji žele korektne odnose, koji, prije svega, paze na riječi koje izgovaraju. Nadam se da će u vremenu koje slijedi Nikolić pokazati svoju pragmatičnu stranu, promijeniti odnos, pripaziti na riječi koje, zasad, olako izgovara. U svakom slučaju, u ovom času nema plana za skori susret.

Jedini ste član Predsjedništva BiH koji nije podržao prijedlog budžeta za 2013. godinu. Zašto ste odbili da ga podržite i koja su bila obrazloženja Nebojše Radmanovića i Željka Komšića za prihvatanje prijedloga budžeta?

IZETBEGOVIĆ: Predsjedništvo BiH ne podržava nego predlaže državni budžet. Akt Ministarstva finansija na bazi kojeg se u Predsjedništvu vodi rasprava je tek radni materijal, i ja sam smatrao da mora biti dopunjen kako bi se servisirale zakonske i druge preuzete obaveze. Postoji odluka o veličini Oružanih snaga, o pristupanju BiH Akcionom planu za članstvo u NATO, postoji usvojena Strategija povratka, preuzete su obaveze na Konferenciji o povratku koja je održana u aprilu u Sarajevu, moramo osigurati šest miliona KM u državnom budžetu kako bi nam donatori dodijelili višestruko veća sredstva za podršku procesu povratka itd. Donijeli smo odluke i stvorili obaveze, a sredstva nismo planirali. Smatrao sam da trebamo unijeti minimalna sredstva po najvažnijim pitanjima, kao što su napredak BiH ka euroatlantskim integracijama, povlačenje donatorskih sredstava za podršku povratku, itd. Nebojša Radmanović je ponudio amandmane koji su predla-

Dešavanja u SDA

Vjerovatno će biti održan kongres

U posljednje vrijeme puno se govori o smjeni Saki-ba Softića, koja se povezuje sa zahlađenjem odnosa između Vas i predsjednika SDA Sulejmena Tihića, što se opet dalje povezuje s otvaranjem pitanja da li SDA treba održati kongres prije ili nakon izbora. Koliko ima istine u tome i možete li objasniti zašto je smijenjen Softić, koji slovi za Vama bliskog člana SDA i hoćete li podržati usvajanje konvencije koja bi bila prelazno rješenje, ili održavanje kongresa prije izbora? Bez obzira na mišljenje baze, da li biste se u slučaju održavanja kongresa prije izbora kandidirali za predsjednika SDA?

IZETBEGOVIĆ: Pokušaj smjene Softića je stvar lokalnog sukoba, bespotrebnog dokazivanja ko je glavni u čaršiji, ali će imati jak odraz na događanja u cijeloj SDA. Safet Softić je cijenjen član stranke, i kapriciozni napad na njega, koji ni predsjednik Tihić niti predsjedništvo SDA ne mogu da zaustave, je rezultirao ljutnjom mnogih utjecajnih esdeavaca, smanjio šansu da dođe do dogovora o konvenciji. Potreban je skoro pa konsenzus kako bi kongres bio odgođen, po reakcijama koje dolaze sa terena mislim da nismo ni blizu takvog konsenzusa. Dakle, vjerovatno će biti održan kongres, i vjerovatno je da će me dio članstva predložiti za predsjednika SDA.

SVI FILMSKI ŽANROVI **EURO**

- Akcioni
- Avantura
- Biografija
- Dječiji
- Dokumentarni
- Drama
- Fantazija
- Horor
- Istorijski
- Komediya
- Misterija
- Muzički
- Naučna fantastika
- Ratni
- Ljubavni
- Triler
- Kaubojski itd.

SA PREVODOM NA NAŠ JEZIK

SERIJE >> SPORT >> ZABAVA >> MUZIKA

EURO  **TV**

1-877-747-6097

INFO@EUROPLUS.TV

gali dalje smanjenje budžeta, naročito u odnosu na Oružane snage, ali je na nagovor Željka Komšića odustao pa su zajedno usvojili prijedlog budžeta koji je u potpunosti baziran na aktu Ministarstva finansija.

S pričom oko raskola unutar SDA povezuje se izbor novog reisa Islamske zajednice u BiH i vraćanje utjecaja IZ-a u SDA. Kako vidite rad IZ-a BiH i SDA, treba li tu da bude bliže suradnje, s obzirom kakvu je ulogu dugo godina u politici imao sad već bivši reis Cerić koga je na tu funkciju doveo prvi predsjednik SDA Alija Izetbegović?

IZETBEGOVIĆ: U vremenu agresije na Bosnu i Bošnjačke skoro da niste mogli razlikovati šta je SDA a šta Islamska zajednica, ispreplitali smo se u zajedničkom naporu da se sačuva narod, zemlja, vjera. Ta vremena su prošla, u budućnosti svako treba da radi svoj posao, da što kvalitetnije radi svoj posao. Sigurno ćemo se uzajamno podržavati jer imamo isti cilj – očuvanje jedinstva zemlje, ravnopravnost Bošnjaka u njoj, očuvanje vjere i identiteta. Podržavat ćemo se, ali nećemo ulaziti u tuđi domen i prostor. SDA će se brinuti o državi, IZ o vjeri.

O ulozi Turske u regionu puno se govorilo u zadnje vrijeme. Mislite li da bi Turska mogla puno više uraditi kad je u pitanju odnos zemalja u regionu prema BiH, i prema Bošnjacima? Koliko Turska uopće pomaže BiH i je li to pomoć bošnjačkom narodu ili građanima BiH?

IZETBEGOVIĆ: Turska pomaže BiH i trudi se da to ne bude jednostrana pomoć usmjerena samo na Bošnjačke. U Vijeću za implementaciju mira Turska predstavlja OIC i ima veoma korisnu i konstruktivnu ulogu. Slično je sa procesima približavanja Bosne i Hercegovine Evropskoj uniji i NATO, Turska nas snažno podržava, naročito u odnosu na NATO. Uložili su velika sredstva u obnovu objekata diljem BiH iz otomanskog perioda, otvaraju škole i univerzitete, sve su prisutniji sa investicijama, odobrili su nam beskamatni kredit od 100 miliona Eura za zapošljavanje povratnika itd. Naravno, mogli bi činiti i

više, i vjerujem da će u budućnosti učiniti još više.

Jeste li zadovoljni implementacijom tog kredita i koliko je do sada uopće realizirano tih sredstava?

IZETBEGOVIĆ: Utrošena je jedna petina odobrenih sredstava, i to je dobar tempo. Bolje je raditi sporo ali temeljito, pronaći povratnike sa kvalitetnim projektima koji garantuju povrat sredstava. Nisam zadovoljan brojem povratnika koji su dobili posao ili angažman kroz plasman preko 40 miliona KM. Sredstva se plasiraju, većinom, putem federalnih firmi koje zatim angažuju povratnike. Na posljednjem sastanku koji smo održali sa bankarima i turskim ambasadorom tražio sam da se snažnije angažuju ministarstva za izbjeglice na entitetskim i državnim nivou, da država pomogne kako bi mali farmeri, individualni proizvođači dobili veći dio sredstava. Imamo hiljade hektara neiskorištenog zemljišta u vlasništvu povratnika, imamo povoljna sredstva namijenjena za njih, imamo potrebu za kvalitetnom hranom – BiH uvozi skoro polovinu hrane, dakle do države je da osmisli mehanizme koji će sve ovo uvezati u jedan efikasan sistem koji će svima donijeti korist.

Kakvi su odnosi BiH s islamskim svijetom i koliko to pomaže, a koliko odmaže BiH?

IZETBEGOVIĆ: Ne razumijem kako bi odnosi sa islamskim zemljama mogli da odmognu BiH? Oni mogu samo pomoći ovoj zemlji, jer islamske zemlje su uz nas od vremena proglašenja nezavisnosti. Pomagale su koliko su mogle, politički, finansijski, slale svoje vojnike u misije mira u BiH. I nikad nisu pomagali jednostrano, samo bošnjačku stranu. U vremenu koje je pred nama islamske zemlje će jačati, jačat će njihov utjecaj na globalne procese, i jačat će njihova podrška BiH.

Protikle sedmice BiH je posjetilo nekoliko visokih zvaničnika iz Evrope i Amerike. Prema Vašim iskustvima, je li jasna američka i evropska politika prema BiH ili se ona svodi na politiku pojedinaca koji je zastupaju i na koju često utječu zemlje i

Posjeta Crnoj Gori

Nema nevinih Miloševićevih saradnika

Milo Đukanović je bio član Vrhovnog saveta odbrane SRJ u vrijeme rata u BiH kada je ovaj savet donosio odluke o vojnoj i materijalnoj pomoći Republici Srpskoj. S obzirom da ste bili u zvaničnoj posjeti Crnoj Gori u čemu je danas razlika između Đukanovića i Nikolića?


IZETBEGOVIĆ: Nema nevinih Miloševićevih saradnika kad je u pitanju agresija na Bosnu i Hercegovinu, ali ima onih koji su se, poput crnogorskog rukovodstva, istrgnuli iz Miloševićevog zagrljaja i potrudili se da svojim riječima i postupcima otvore prostor za pomirenje u regionu. Ima i onih drugih koji svojim riječima sole rane, koji su kao dobrovoljci učestvovali u napadu na BiH, ulagali trud da ova zemlja nestane, a danas izražavaju "zabrinutost" da ona zaista i nestaje pred njihovim očima. Mora se razbiti ta njihova "briga", neka se brinu o tri miliona siromašnih u vlastitoj zemlji koji su mogli biti sretni i situirani ljudi da nije bilo glupih i izgubljenih velikosrpskih ratova.



www.bosnianyellowpages.us

jedna web stranica za sve vaše potrebe

**Dodite i kupite sve na jednom mjestu
UŠTEDITE I VRIJEME I NOVAC!**



926 Montreal Road, Clarkston, GA

404-296-6493

THRIFTOWN
Clarkston Village

Glasanje u UN-u o Palestini

Odluku je zaustavio Radmanović

Kako komentirate to što je BiH bila suzdržana u Generalnoj skupštini UN-a kada se glasalo da Palestina dobije status države posmatrača što je podržalo 138 zemalja? Dodik je svojevremeno tražio smjenu Zlatka Lagumdžije s mjesta ministra inozemnih poslova zbog instrukcije da BiH glasa za. Je li i ovo dio političkog dogovora Dodik - Lagumdžija?

IZETBEGOVIĆ: Nije, Ministarstvo inostranih poslova je poslalo prijedlog da se glasa za Palestinu. Mislim da se radi o Dodikovoj želji da pridobije simpatije Izraela i jevrejskog lobija u SAD-u. Nebojša Radmanović je bio spreman da ide do kraja u zaustavljanju podrške Palestini, da upotrijebi mehanizme entitetskog veta! Komšić i ja smo podržali zahtjev Palestine, ali to nije bilo dovoljno, Radmanović je iskoristio legalne mehanizme da odluku zaustavi. Odnos političara iz RS-a, želja da se pridobiju simpatije Izraela, je onemogućio da BiH glasa "za" u Ujedinjenim nacijama.

okruženja iz koji dolaze? Trebaju li BiH visoki predstavnik i specijalni predstavnik EU i šta bi po Vama i Evropu i Ameriku moglo i trebale uraditi kada je u pitanju BiH?

IZETBEGOVIĆ: Naravno da nam je potrebno snažno prisustvo predstavnika EU jer cilj nam je intenzivirati proces integracije u EU. I Visoki predstavnik je potreban sve dok se ne ispune uslovi iz formule 5+2, a najvažniji među njima je stabilno političko i sigurnosno stanje u zemlji. Nažalost, daleko smo od ispunjenja ovog uslova. SAD i Evropa bi trebali odaslati jasnije poruke u odnosu na kočničare procesa, uvesti neki vid tihih sankcija u odnosu na stranu koja prijeti miru i stabilnosti. S druge strane trebali bi pomoći običnom čovjeku koji je žrtva takve politike, politike koja je učinila da se rapidno smanji ulazak stranog kapitala u zemlju, da poraste broj nezaposlenih, da se plate i penzije smanje itd. Dakle, trebali bi osigurati povoljna sredstva za izgradnju infrastrukture, podizanje poljoprivrede, otvaranje novih malih i srednjih preduzeća itd. Nešto poput turskog kredita, samo obuhvatnije.

Kada procjenjujete da bi BiH mogla biti primljena u NATO s obzirom na zastoje u ispunjavanju uvjeta na tom putu i zbog čega bi za BiH bilo bitno da što prije postane članica NATO-a?

IZETBEGOVIĆ: NATO je vojno-politička alijansa koja okuplja elitne zemlje u svijetu, demokratske, bogate i sigurne. Napad na zemlju članicu je napad na sve zemlje Alijanse. Poruka da je BiH članica ovog saveza bi polučila ogromne pozitivne efekte jer je to poruka o sigurnosti investiranja u našu zemlju. Ulazak BiH u NATO zavisi od promjene odnosa onih koji kočje napredak zemlje. Ako bi se taj odnos promijenio,

Nova lokacija - novi ambijent - stari frizer

MACI

Men's Hair Cut Salon

870 New Hope Rd, Suite 100
Lawrenceville, GA 30045

404-431-3863

Ill Salon 678-367-3616





Radno vrijeme: pon-čet 10am-7:30pm, pet-sub 10am-8pm, ned 12pm-3pm.

BiH bi u roku od par godina bila pred vratima NATO saveza.

Da li će nova koalicija ugroziti postojanje BiH s obzirom na sporazume i prijedloge koji se posljednjih mjeseci sklapaju? Kako Vi komentirate da bošnjački narod u tim dogovorima predstavljaju Zlatko Lagumdžija, lider SDP-a, koji se deklarirao kao vođa građanske partije i Fahrudin Radončić, predsjednik SBB-a, mada je na lokalnim izborima poslata jasna poruka o tome kome birači vjeruju?

IZETBEGOVIĆ: Ne može ugroziti postojanje BiH, ali može strahovito unazaditi pozitivne procese u njoj. Kontrola političara nad medijima, radom policije i tužilaštava će, ukoliko bude uvedena, ostati zadugo i dovesti do bujanja korupcije i nejednakosti ljudi pred zakonom. A jednakost ljudi pred zakonom, jačanje institucija koje vas štite i ne pitaju o pripadnosti naciji i društvenom staležu, potrebni su ovom društvu kao lijek teškom bolesniku. Naravno, i razvlašćivanje CIK-a bi bila opasna koncesija Dodiku koja se slobodno može nazvati predajom, odustajanjem od učešća u vlasti u RS-u. Što se tiče koalicije SDP-SBB, glasači su kazali na posljednjim izborima šta o njoj misle, ali panično srljanje koje prijeti da nanese trajne štete BiH se nastavilo. SDA će učiniti sve da retrogradni i štetni zakoni ne prođu, a onda ćemo na izborima 2014 dovršiti posao. Ogromna većina opštinskih načelnika je iz SDA, dio kantonalnih vlada predvodi SDA, i dalje smo dio, i to bolji dio, Federalne vlade, itd. Stranka demokratske akcije će trajati sve dok postoje razlozi za postojanje jake, dokazane patriotske političke snage u BiH. Jedina koja ima istorijski potvrđenu referencu je SDA, i niko drugi neće dovršiti njen posao.



tel > 1.773.525.4889
fax > 1.773.435.6753
e-mail > info@styletravelusa.com
<4107 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!
 Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii



< www.styletravelusa.com >

NOW HIRING!

Over The Road Owners Operators & Company Drivers

BEST WAY SERVICES, LLC

**RECEIVE A \$500 BONUS
AFTER 6 MONTHS OF EMPLOYMENT**

1985 NW 94th St. Suite G, Clive, IA 50325
 5419 Gravois Ave, St. Louis, MO 63116

- *Offering good rates
- *Satisfactory safety rating
- *Working with all major brokers
- *Dedicated lane position available
- *Team driving position available
- *Fuel card
- *Paid per mile or percentage
- *24 hour emergency dispatch service available for drivers
- *Help with IFTA filing



Also hiring experienced dispatcher for the St. Louis office.

For more information please contact Besim or Amela at:

515.554.1711 or 515.276.0646

Dogovor sa republikancima ili "fiskalna provalija"

Početak godine se očekuje nastavak razgovora predsjednika SAD Baracka Obame sa predstavnicima republikanaca u pokušaju da se postigne dogovor oko produženja poreskih olakšica, kako bi se izbjegla takozvana „fiskalna provalija“. U suprotnom, stupiće na snagu zakoni o povećanju poreza i oštrim mjerama štednje, što bi moglo ponovo da gurne SAD u recesiju.

Obama je skratio odmor za božićne praznike na Havajima i vratio se u Vašington.

U međuvremenu, američki ministar finansija Timoti Gajtner (Timothy Geithner) je uputio pismo lideru većine u Senatu, demokrati Hariju Ridu (Harry Reid) u kome ga obavještava da nacionalni trezor preuzima sveobuhvatne i vanredne mjere kako se ne bi dostigao plafon u zaduživanju. Gajtner ističe da će se uz pomoć revizije i određenih računovodstvenih mjera osloboditi oko 200 milijardi dolara, čime će se za dva mjeseca odložiti dostizanje granice od 16,4 triliona dolara, koliko vlada SAD-a može da pozajmi za finansiranje svojih operacija.

Zakonima koje su usvojeni u Kongresu je utvrđeno koliko vlada može da potroši za namjene kao što su socijalno osiguranje i odbrana. Istovremeno, određeno je i do koje granice vlada može da podiže poreze.

Utvrđivanjem zakonskog limita – do koje mjere vlada može da se zadužuje – ona se suočava sa nemogućom situacijom u kojoj mora ili da ignoriše taj prag, poveća poreze bez zakonskog osnova ili da odustane od finansiranja nekih operacija na koje je inače obavezna.

Prošli put američka vlada je dostigla limit u zaduživanju u ljeto 2011. godine. Obama je nakon grozničavih pregovora sa republikancima, koji su imali većinu u Kongresu, postigao dogovor u posljednjem trenutku, tako da je granica podignuta sa 14,3 na 16,4 triliona dolara.

Taj sporazum je proizveo fenomen poznat kao „fiskalna litica“ – automatski porast poreza od 600 milijardi dolara i rezanja potrošnje od 1. januara 2013.

Republikanci i demokrate su se prošle godine dogovorili o ovim drakonskim mjerama smanjenja vladine potrošnje, polazeći od pretpostavke da će u međuvremenu postići razu-

man sporazum kako da smanje budžetski deficit.

Međutim, Obama i lideri Republikanaca su se bezuspješno sreli pet puta od 13. novembra. Američki predsjednik želi da se ukinu poreske olakšice, koje je uveo tadašnji predsjednik Džordž Buš (George W. Bush) 2001. godine, za sve porodice koje zarađuju više od 400 hiljada dolara godišnje. Prvobitno je tražio da ta granica bude 250 hiljada dolara.

Demokrate žele da zadrže finansijsku podršku porodicama sa najnižim primanjima – uključujući niže poreze na zarade i povlastice za nezaposlene. Istovremeno, oni se protive rezanju prinadležnosti za zdravstvenu (Medicare) i socijalnu zaštitu.

Međutim, republikanci, koji su prvobitno bili protiv ukidanja bilo kakvih poreskih olakšica za bogate, djelimično su popustili, ali insistiraju da se taj prag pomjeri na milion dolara.

Istovremeno, Republikanci se protive smanjenju izdvajanja za odbranu. Obama predlaže kao kompromisno rješenje da se porezi u idućih deset godina povećaju za 1.200 milijardi dolara, a budžetski deficit bi se za još toliko smanjio rezovima u potrošnji.

Ako izostane dogovor, time bi se prosječnom domaćinstvu povećali porezi za više od 2000 dolara godišnje. Istovremeno, automatski bi stupili na snagu budžetski rezovi, uključujući i za odbranu i socijalna davanja, a zaštićeni bi bili samo zdravstveno osiguranje za siromašne, penzije, kao i plate zaposlenih u vojsci i prinadležnosti veterana.

Obje strane nastoje da izbjegnju odgovornost za neželjene posljedice ukoliko izostane dogovor.

Pozicije dvije strane su i dalje udaljene, ali eksperti procjenjuju da će se postići privremeno rješenje kojim će se mjere štednje odložiti do proljeća.

U nemogućnosti da postigne kompromis, predsedavajući Predstavničkog doma, republikanac Džon Bejner (John Boehner) pozvao je demokrate, koji imaju većinu u Senatu, da predlože mjere kako da se izbjegne „fiskalna provalija“ i prosljedi ih ovom domu na razmatranje.

Istovremeno, jedan od visokih zvaničnika Obamine administracije je istakao da lideri republikanaca ne bi trebalo da sprečavaju postizanje sporazuma.



Predsjednik SAD, Barack Obama

**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)

Begova čorba iz Andrićeve kuće

Put koji nas kroz BiH vodi od trpeze do trpeze i tragom mirisa jela koja su spremale naše nane i bake, doveo nas je u vezirski grad Travnik. Tu je i rodna kuća nobelovca Ive Andrića, a u kući restoran "Divan". Izvolite!

Bosanski lonac, cicvara, popara, burek, krompiruša, ključka, tufahije.... Putovanje po trpezama se, prateći nazive ovih jela, pretvara u još jedno putovanje uzduž i poprijeko Bosne i Hercegovine. Svaki kraj ima različite recepte za jela pod istim nazivom, ili obrnuto - isti recepti i jela imaju različita imena. Dosta vam je konzervi, modernih jela što mirišu na celofan u koji su sastojci bili upakovani, ili "lakiranih" paprika čiji sok na ruci ostavlja crveni trag poput laka za nokte? Zavirite u "bosanski lonac", kulinarsku reportažu Ljiljane Pirolić.

Piše: Ljiljana Pirolić

Kustosica Zavičajnog muzeja u Travniku, Dragana Banner, vodi me kroz Memorijalni muzej Ive Andrića. Rodna kuća nobelovca rekonstruisana je na istom mjestu gdje je bila kuća u kojoj je Andrić rođen, u travničkoj ulici Zenjak. Na spratu su tri izložbene sobe muzeja: biblioteka, rodna soba i izložbeni prostor sa prvim primjercima rukopisa, te prevodi njegovih djela na mnoge svjetske jezike. Zidove krasi slike Ivana Rabuzina, koje je poznati hrvatski naivac naslikao u čast Ive Andrića, na natječaju koji je svojevremeno raspisala švedska Akademija znanosti i umjetnosti.



Rodna kuća nobelovca danas je muzej-restoran.

Odakle je nobelovac?

Još za života Andrićevog, špekulisalo se o njegovoj zavičajnoj pripadnosti, koju on nije ni pokušavao da razriješi: „Šta ćete, čovek se negde morao roditi!“ našalio se jedanput. A ako je neko trebao da razriješi te nedoumice, onda su to bili Travničani. Novinar iz ovog nekadašnjeg vezirskog grada, Mustafa Gafić, šezdesetih godina prošlog stoljeća, u starim je dokumentima pronašao izvadak iz matične knjige krštenih, župnog ureda u Travniku, iz kojeg se vidi da je Ivo Andrić rođen u Travniku u mahali Zenjak, 9. oktobra 1892. godine. Na ulazu u Memorijalni muzej dva su natpisa: na desnoj strani piše 'Rodna kuća Ive Andrića', a na lijevoj 'Restoran Divan'.

Nevjerovatna me radoznalost prožela pri samoj pomisli da se ispod muzejskih soba nešto krčka, da ljudi sjede i jedu u Andrićevoj rodnoj kući i u isto vrijeme sa zidova, na kojima su uokvireni isječci iz njegovih djela, čitaju šta je pisao prije mnogo, mnogo godina. Svoju je Nobelovu nagradu za književnost (novčani iznos), dao bibliotekama u nekadašnjoj zajedničkoj državi. Pitam se šta bi danas rekao za restoran u njegovoj rodnoj kući. Bilo je nečeg asketskog u njegovom životu i ne mogu ga zamisliti kako uživa u bilo čemu, osim u pisanju, čemu je uostalom, posvetio i cijeli svoj život.

Travničani su "teški" gosti

Mladi konobar Marko Lovrinović pokazuje mi dvije otvorene terase i manji, zatvoreni dio restorana. Ovo mitsko mjesto, druga je njegova kuća: „I kada ne radim, svratim obavezno, bar da kafu popijem ovdje. Vuče me atmosfera i nešto potpuno neobjašnjivo. Bio sam u Splitu, pa u Zagrebu i onda sam se opet vratio u Andrićevu kuću“, kaže Marko i dodaje da 'Divan' nije baš običan restoran. „Ovdje se dolazi organizirano i sa najavom. Imamo bosansku i mediteransku kuhinju, a ako me pitate šta bi Andriću spremili da se kojim čudom pojavi... Pa, ja mislim da bi on rado pojeo našu begovu čorbu na travnički način, a za desert bi mu spremili tufahiju. Inače, naši gosti najčešće traže upravo begovu čorbu i teletinu ispod

sača.

A što se tiče gostiju, Travničani su najzahtjevniji. Oni su baš teški ljudi“, kaže Marko. „A šta znači to ‘teški?’“ pitam. „Pa, možda sam ja to malo grubo rekao, ali eno na zidu restorana uokvirenog citata iz ‘Travničke hronike’,“ pravda se mladi konobar, a tamo piše: „Travnik je najgospodskiji grad na svetu i u njemu svet gospodski čist, odmeren i mudar, s carem da govori“ (I. Andrić).

Begova čorba - tri jezika govori!

Ismeta Horić, glavna je kuharica u ‘Divanu’, a supervizor će joj biti koleginica Fikreta Tusum. „Otkuda naziv begova čorba?“ pitam Ismetu. „Ne znam, stvarno. Riječ je o čorbi malo jače gustine i mislim da se ne bi niko osramotio ni pred begove da je servirao, u ono doba kad ih je bilo ovdje i kada je čorba postala dio ovdašnjih jelovnika,“ kaže Ismeta dok priprema sastojke za ovo jelo (za 4 osobe).

- 1 pile, približno 1 kg.**
- 2 veće glavice crnog luka,**
- 2 mrkve,**
- 100 gr. graška,**
- 50 gr. bamije**
- so, biber ,**
- 1 mala pavlaka,**
- 1 jaje**
- peršun za posipanje, na kraju.**

„Cijelo pile smo skuhalo sa jednom mrkvom i glavicom crnog luka, sačuvali pileći temeljac u kojem je skuhan, a zatim očistili meso od kostiju i usitnili ga. Na malo ulja zažuti se sitno isjeckana druga glavica crnog luka, na luk se dodaje kockice isjeckane mrkva, grašak, kuhana piletina i bamija. Može se staviti i korijen peršuna, takođe isjeckan na kockice. Kad se sve sjedini, nalije se pilećim temeljcem koji smo sačuvali, (oko 1 litar), i ostavi da se kuha približno jedan sat. Na kraju se u begovu čorbu dodaje so i jaje umućeno sa pavlakom koja će sve povezati. Otuda ona kremasta tekstura čorbe,“ kaže naša kuharica i dodaje da recepti nisu ‘sveto slovo’ i da se svako, kuhajući, može poigravati svojom kreativnošću.

Jabuka sa srcem od oraha

„U svakom jelu koje se pravi u BiH, vi imate, da tako kažem, varijacije na zadatu temu. Svako će nešto dodati onako, po svome, ili će izbaciti iz originalnog recepta neki začini ili masnoću koja mu ne prija. Jelo će sačuvati osnovni okus, čak i ako ga malo sebi prilagodite,“ kaže Fikreta Tusum, dok prati kako se Ismeta vješto snalazi u kuhinji. Begova čorba može se služiti kao predjelo, ali i kao glavno jelo uz domaći hljeb, kako to rade i u „Divanu“. Uz nju će kao desert, poslužiti tufahiju.

„Za tufahije, uzećemo jonatan jabuke, za 4 osobe, četiri komada, a ostali sastojci se dodaju prema vlastitom osjećaju. Potrebno je približno:

- 1 litar vode da jabuke u njoj tokom kuhanja ogreznu,**
- 200 gr. šećera**
- 100 gr. mljevenih oraha,**
- malo prezle, malo šećera (za nadjev!)**
- šlag, (kao i obično, na kraju).**



Umjetničko djelo ili poslastica?

Oguljene i očišćene od srednjeg dijela (sa rupom u sredini!), jabuke se stave u provrelu vodu kojoj je dodano 200 gr. šećera i prokuhaju 2-3 minute. Dakle, kratko, da se ne bi raspale. Izvade se i onako mokre, uvaljaju u mješavinu šećera i oraha. Istom smjesom, kojoj je dodano i malo prezle, ispuni se izdubljeni dio jabuka. Ukrasi se šlagom. Mislim da je ovo jedan od naših najzdravijih slatkiša“, kaže na kraju Ismeta Horić.

Možda bi Andrić, ipak bio sretniji, da je u prizemlju njegove rodne kuće neka dobra knjižara u kojoj bi se prodavale knjige, ili biblioteka. Restoran je komercijalni potez, zahvaljujući kojem se Memorijalni muzej održava. Pa, kad je već tako, dobro je da ljudi koji rade u ‘Divanu’ drže do tradicije i nivoa svojih usluga, jer rodna kuća Ive Andrića najposjećeniji je objekat u Travniku i prosto vas zove da tamo, u sjeni uspomena na velikog pisca, prodivanite koju uru.

**U idućem broju:
“Tradicija je tradicija, a jagnje je jagnje”**

Mercedes-Benz predstavio CLA

Nakon mjeseci šturih informacija, glasina, špijunskih fotografija i videozapisa napokon su se pojavile izvanredne fotografije potpuno novog modela u ponudi Mercedes-Benz. Kao što se moglo i očekivati CLA je zasnovan na platformi nove A-Klase, ali donosi koncept i izgled prestižnog modela CLS. Tačnije, nasljedio je i brojne dizajnerske linije od CLS-a, ali još više od konceptnog modela Style Concept Coupe gdje se posebno ističe zanimljiva maska koja je sačinjena od okruglih elemenata koji kao da lebde u zraku.

Kako je Mercedes-Benz CLA zasnovan na novoj A-klasi tako su mu i proporcije u skladu s ovim kompaktnim modelom, pa je dugačak 4,60 metara i nudi nešto više prostora, svojstvenog limuzinskim modelima. U početku će biti ponuđen s tri benzinska motora i jednim dizelskim. Tako osnovu čini CLA 180 sa 122 KS, slijedi ga CLA 200 sa 156 KS, dok će najsnažniji benzinski model biti CLA 250 sa 211 KS. Za štedljivije kupce ponuđen je CLA 220 CDI sa 170 KS. Posebno će biti zanimljivo vidjeti premijeru CLA u verziji A45 AMG koja će raspolagati sa čak 335 KS.

Mercedes-Benz je također potvrdio da je za CLA pripremio i potpuno novu verziju 4MATIC pogona na sve točkove.



A Home Is Burglarized Every 14.6 Seconds. ** Don't Let Yours Be Next!



24/7 Protection

- Get up to a **20% DISCOUNT** on your home owners insurance!
- **FREE** wireless remote control with **PANIC BUTTON!**



Protect Your Home

Call Today, Protect Tomorrow!

1-888-726-0890

Mon-Fri 8am - 11pm • Sat 9am - 8pm • Sun 10am - 6pm EST



\$99.00 Customer Installation Charge. 36-Month Monitoring Agreement required at \$36.99 per month (\$1,331.64). Form of payment must be by credit card or electronic charge to your checking or savings account. Offer applies to homeowners only. Local permit fees may be required. Satisfactory credit history required. Certain restrictions may apply. Offer valid for new ADT Authorized Dealer customers only and not on purchases from ADT LLC. Other rate plans available. Cannot be combined with any other offer. Licenses: AL-12-1104, AK-35221, AR-E08-014, AZ-ROC217517, CA-AC06320, CT-ELC0193944-L5, DE-07-212, FL-EC13003427, EC13003401, GA-LVA205395, HI-CT30946, IA-AC-0036, ID-39131, IL-127.001042, IN-City of Indianapolis: 80988, KY-City of Louisville: 483, LA-F1082, MA-1355C, MD-107-1626, ME-LM50017382, MI-3601205773, MN-TS01807, MO-City of St. Louis: CC354, St. Louis County: 53328, MS-15007958, MT-247, NC-25310-SP-FA/LV, NC-1622-CSA, NE-14451, NJ-34BF00021800, NM-353366, NV-68518, City of Las Vegas: B14-00075-6-121756, C11-11262-L-121756, NY-Licensed by the N.Y.S. Department of State UID#12000286451, OH-53891446, City of Cincinnati: AC86, OK-1048, OR-170997, Pennsylvania Home Improvement Contractor Registration Number: PA22999, RI-3582, SC-BAC5630, TN-C1520, TX-B13734, ACR-3492, UT-6422596-6501, VA-115120, VT-ES-2382, WA-602588694/PROTEYH934RS, WI-City of Milwaukee: 0001697, WV-042433, WV-LY-G-21499. 3750 Priority Way South Dr. Suite 200 Indianapolis, IN 46240

“Skyfall” zaradio milijardu dolara

Novi film o tajnom agentu 007 sa glumcem Danielom Craigom u glavnoj ulozi, koji je premijeru imao na 50-godišnjicu prve pojave Bonda na filmskim platnima, je prešao iznos od milijardu dolara tokom božićnih blagdana.

“Skyfall” je u Sjedinjenim Američkim Državama zaradio 289,6 miliona dolara, a širom svijeta još 710,6 miliona dolara. To je prvi film o Jamesu Bondu koji je postigao ovakav uspjeh tokom prvobitnog prikazivanja u kinima.

Očekuje se da će film, koji je režirao Sam Mendes, još uvećati voju zaradu nakon što se naredne godine počne prikazivati i u Kini.

Dosadašnji rekord među filmovima o Jamesu Bondu je držao film “Casino Royale”, koji je 2006. godine zaradio 596,4 miliona dolara.



Fix Your Computer Now!

We'll Repair Your Computer Through The Internet!



Solutions For:
Slow Computers • E-Mail & Printer Problems
Spyware & Viruses • Bad Internet Connections



Affordable Rates For Home & Business
Friendly Service
from U.S. Based Technicians

Call Now For Immediate Help
888-840-9830

\$25⁰⁰ Off Service
Mention Code: MB

Call toll-free: 1-888-379-0138

Are You Still Paying Too Much For Your Medications?

You can **save up to 90%** when you fill your prescriptions at our Canadian and International Pharmacy Service.

<p>Their Price</p> <p>Lipitor™ \$598.98</p> <p>Bottle A</p> <p><small>Typical US brand price for 20mg x 100 Manufactured by Pfizer™</small></p>	<p>Our Price</p> <p>Atorvastatin* \$67.00</p> <p>Bottle B</p> <p><small>Generic equivalent of Lipitor™ generic price for 20mg x 100 Manufactured by Generics Manufacturers</small></p>
--	---

Compare Our Prices! Call us toll-free at 1-888-379-0138.

Get An Extra
\$10 OFF
And FREE SHIPPING

Get an extra \$10 off your first order today!

Call the number below and **save an additional \$10 plus get free shipping** on your first prescription order with Canada Drug Center. Expires Dec 31, 2012. Offer is valid for prescription orders only and can not be used in conjunction with any other offers.

Order Now! Toll-free: 1-888-379-0138
Use code **10FREE** to receive this special offer.

Please note that we do not carry controlled substances and a valid prescription is required for all prescription medication orders.

Prescription price comparison above is valid as of July 23, 2012. All trade-mark (TM) rights associated with the brand name products in this ad belong to their respective owners. *Generic drugs are carefully regulated medications that have the same active ingredients as the original brand name drug, but are generally cheaper in price. Generic equivalents are equal to their "brand" counterparts in Active Ingredients, Dosage, Safety, Strength, Quality, Performance and Intended use. It may vary in colour, shape, size, cost and appearance.

Nauka i tehnologija: Dostignuća u protekloj godini

Naučnofantastična stvarnost

U posljednje vrijeme, gotovo svakog dana, obasipaju nas informacije o novim otkrićima iz svijeta nauke, kao i o zabrinjavajućem djelovanju ljudskog razvoja po ekosistem Zemlje. 2012. godina ostat će upamćena kao godina u kojoj je led Arktičkog oceana okopnio u do sada nezapamćenoj mjeri

Rijetko je koji datum u posljednje vrijeme privlačio toliko pažnje i pokretao razgovore među ljudima kao što je to bilo sa 21. 12. 2012. U proteklih par godina imali smo priliku čuti, pročitati, vidjeti brojne prezentacije i navođenje čitavog niza potencijalno kataklizmičnih događaja koji bi na taj dan "mogli" okončati život na Zemlji. Vrlo rijetko se, međutim, pogotovo s obzirom na dostupnost informacija na internetu, obraćala pažnja na NASA-ina saopćenja koja na njihovim web stranicama stoje unazad dvije godine. A bilo je to neophodno budući su mrežom počeli cirkulirati krivotvoreni dokumenti sa NASA-inim logom kako bi se dezinformacije učinili uvjerljivijima.

Da Vinci: Ova godina također će biti upamćena i po tome da su hirurzi 22. oktobra uz pomoć robota imena Da Vinci po prvi put izveli 9-satnu operaciju na otvorenom srcu 22-godišnje Natalie Jones, kao i uspješno završeno jednogodišnje putovanje Wave Glidera, nautičkog robota za prikupljanje podataka, koji je prešao put od San Francisca do Australije napajajući se energijom iz talasa i putem solarnih panela, pritom usput "preživjevi" oluje i napade ajkula

Iščekivanje

Dakle, 21. 12. 2012. ništa posebno nije trebalo niti moglo da se desi – od zloupotrebe koncepcije i pogrešnog shvatanja majanskog kalendara koji se ne uopće ne bavi proricanjem kraja svijeta, do govora o polarnim mjenama, ili geometrijskim poravnanjima linije planete Zemlje i Sunca sa galaktičkim centrom, uključujući i pogrešno navedena ina druga planetarna poravnavanja, ili moguće solarne oluje, itd. 21. 12. 2012. nije bio ništa drugo do početak još jedne zime i kraj još jednog razdoblja po majanskom kalendaru i početak novog (kao što se po gregorijanskom kalendaru godina završava sa 31. decembrom).

Dugotrajno iščekivanje ovog datuma i posljedice kojima su se ljudi nadali, ili od kojih su strahovali, bez obzira na brojne zvanične demantije, samo nam govore u kakvom svijetu živimo i s koliko želje barem dio ljudi iščekuje promjenu, bilo kakvu.

Bez obzira na sve što nas tišti u stvarnosti, od naše ekonomske i socijalne krize do one u svjetskim razmjerima, jedna stvar djeluje nezaustavljivo, i iz ovakve bolno teške situacije čak i malo nestvarno, a to je sumanuta brzina razvoja nauke i tehnologije, i činjenica da, iako usporeno i uglavnom kroz medije, svjedočimo dostignućima koja su donedavno bila samo

nacrti, hipotetičke izmaštane skice iz naučnofantastičnih filmova.

U posljednje vrijeme, gotovo svakog dana, obasipaju nas informacije o novim dostignućima iz svijeta nauke, kao i o zabrinjavajućem djelovanju ljudskog razvoja po ekosistem Zemlje. 2012. godina ostat će upamćena kao godina u kojoj je led Arktičkog oceana okopnio u do sada nezapamćenoj mjeri. Sedmog novembra veliki tanker Ob River, koji prevozi tečni prirodni gas, prvi je brod ove veličine koji se iz Norveške uputio prema Japanu idući Sjevernom rutom, iz čisto ekonomskih razloga. Mogućnost plovidbe ovom putanjom skraćuje put za 40 posto, a samim tim smanjuje i troškove.

Svemir

Paralelno sa porastom straha od posljedica koje ostavljamo na planetu Zemlju, izuzetnu količinu pažnje u nauci ove godine također predstavlja potraga za izvansolarnim planetima, i uz sve to posebna pažnja se posvećuje planetima u onim zonama sistema koji bi kao u slučaju Zemlje, mogli podržavati uvjete za život. Prve takve informacije ove godine počeli smo iščitavati 11. januara kada su na udaljenosti od 130 svjetlosnih godina uočene tri izvansolarne stjenovite planete.

Vijesti o novim otkrićima planeta u okolnim sistemima pristizale su gotovo svakodnevno, a do ovog trenutka se u toj "potrazi" barata sa oko 850 njih u 673 planetarna sistema. Misija Kepler (ujedno i ime svemirskog opservatorija pokrenutog 2009. i posvećenog upravo ovoj namjeni) zabilježila je oko 18.000 potencijalnih planetoidnih kandidata koji eventualno pripadaju upravo ovoj klasifikaciji, a prema dosadašnjim promatranjima najbliža Zemlji je Alpha Centaur Bb udaljena 4.37 svjetlosnih godina.

Kao dio potrage putem javnih podataka prikupljenih sa Keplera, astronomi amateri došli su do, između ostalog, i otkrića planeta u binarnim sunčevim sistemima, a tokom oktobra otkriveno je i postojanje planeta imenovanog PH1, nalik Neptunu u sistemu sa 2 sunca i još 2 manja sunca koja kruže oko njega. U posebnoj kategoriji traganja za planetama nalik Zemlji, u zonama sunčevih sistema u kojima bi moglo biti vode, još uvijek se najveći izgledi pripisuju planetima sistema Gliese 581 udaljenim 22 svjetlosne godine od Zemlje.

Jedan od vrhunaca 2012. godine koji se tiče svemirskih istraživanja svakako je pretpošlogodišnje lansiranje (26. novembra 2011.) i prošlogodišnje uspješno slijetanje na Mars (5. augusta prošle godine) još jednog robotičkog vozila koje pretražuje površinu ovog planeta i šalje podatke natrag naučnicima na Zemlji. Za područje kojim se kreće i koje istražuje ovo vozilo tvrdi se da postoji mogućnosti da je u tom predjelu nekada tekla voda, a prema NASA-inim novijim izvještajima

Curiosity je poslao rezultate kojima se potvrđuje postojanje gline na ovoj planeti (s tim da je ostalo nejasno da li je ona možda vulkanskoga porijekla). U svakom slučaju Curiosity će još dugo rovariti površinom Marsa i pobuđivati našu znatiželju.

S druge strane, neke od posljednjih informacija koje NASA-ina naučnici predočavaju javnosti (29. novembra 2012.) govore o tome kako je svemirska letjelica Messenger, pretražujući dio planete Merkur koji "vječito" ostaje u sjenci, koja je najbliža Suncu i za koju se kaže da je najvrelija u našem sunčevom sistemu (temperature mogu ići i preko 400 stepeni), pronašla tragove zaleđene vode i organskih materijala vjerovatno dospjelih tu putem kometa koje su udarile Merkur.

Kvantni svijet

U komercijalnoj računarskoj industriji, korporacija Intel je prošle godine tokom aprila predstavila prvi 22-nanometarski mikročip imenovan kao Ivy Bridge, tokom septembra ista korporacija je predstavila i novu seriju mikročipova nazvanu kao Haswell, istog promjera jezgre ali - kako tvrde - sa "neslućeno mnogo više računarske moći i boljim mogućnostima štednje energije".

U isto vrijeme, u daljnjem razvoju računarstva kao jedan od najvažnijih tokova nameće se "kvantno računarstvo", sljedeći korak u razvoju još snažnijih i kompleksnijih računarskih tehnologija, koje se u raznim informatičkim laboratorijima kontinuirano izučava još od 1970-ih, a ozbiljnu praktičnu primjenu, prema onome što se može pročitati u medijima, trebali bi doživjeti negdje oko 2020. godine. No s obzirom na to koliko se pažnje razvoju ovog vida računarstva posvećuje, ne

treba čuditi ako se rezultati u stvarnosti počnu primjenjivati i mnogo ranije.

Prošle godine Nobelovu nagradu u polju fizike dobili su Serge Haroche i David J. Wineland za osmišljavanje "revolucionarnih eksperimentalnih metoda koje omogućavaju mjerenje i manipulaciju pojedinačnih kvantnih sistema". Najveća korist rezultata njihovog rada očekuje se upravo u kvantnom računarstvu gdje se radi na iskorištavanju mogućnosti atoma i molekula u izvođenju memorijskih i zadataka obrade podataka. Kvantni računari trebali bi biti u stanju izvoditi određene kalkulacije mnogo brže od bilo kojeg računara koji se zasniva na silikonskoj jezgri.

Uz razvoj kvantnih računara, austrijski naučnici su npr. 19. januara 2012, izvijestili i o osmišljavanju sistema kvantne kriptografije koja se zasniva na enkodiranim nizovima fotona dizajniranim tako da izgledaju kao da imaju nasumične uzorke, što prema njihovim tvrdnjama omogućava enkripciju podataka koju je nemoguće "probiti", paralelno sa ovim konceptima konstantno se radi na razvoju prenosa kvantnih informacija koji bi na adekvatan način bio primjenjiv u budućnosti u mogućim kvantnim mrežama za prenos podataka s kojima se već uspješno eksperimentira. Zapravo, u pojedinim medijima posvećenim praćenju naučnih dostignuća spominju 12. april 2012. kao mogući rođendan budućeg "kvantnog interneta".

Nevezan uz napredak u kvantnom računarstvu, ali svakako vrijedan pažnje jeste podatak da su naučnici sa Harvarda u toku ljeta objavili kako su uspjeli izvršiti pohranjivanje digitalnih podataka u DNK. Prema podacima iz navedenog istraživanja "1 gram DNK može sadržavati 700 terabajta po-

488 North Main Street, Alpharetta, Ga 30009
770-360-8014
www.cafeefendi.com

Café Efendi
MEDITERRANEAN CUISINE

NE SAMO HRANA
NEGO
DOŽIVLJAJ

Uživo muzika petkom i subotom
Sve vrste alkoholnih
i bezalkoholnih pića
Trbušni ples

dataka". Slikovito, jedna takva kap koja može stati na vrh ljudskog prsta može sadržavati 14.000 50-gigabajtnih Blu Ray medija, uz stabilniju i dugotrajniju mogućnost arhiviranja podataka (što u budućnosti eventualno znači još prostora za jednu od omiljenih aktivnosti čovječanstva, gomilanje svih bespotrebnih zabilješki ikada napisanih).

Povezano sa izučavanjem DNK i korištenjem novijih generacija mobilnih telefona koji uglavnom funkcioniraju putem touch screen tehnologije, kod južnokorejskih naučnika javila se interesantna zamisao o iskorištavanju iste tehnologije kako bi se radila DNK analiza i eventualno dijagnosticiranje zdravstvenog stanja kod korisnika. Kako je izjavio Hyun-gyu Park za Reuters, koji na ovom rješenju radi sa Byong-yeon Wonom, takvo rješenje doima se posve mogućim.

Robotika

Već dugo se govori o razvoju robotike u različitim poljima ljudskih aktivnosti, od vojne industrije preko medicine, do naučnih istraživanja (kao što je slučaj sa robotskim vozilom Curiosity kojim se koristi NASA za istraživanje površine Marsa). Ove godine posebno se ističu vijesti od 6. jula kada su američki naučnici izašli sa informacijom o tome kako su uspjeli napraviti "najrealističniju", "biološki najtačniju" robotičku repliku ljudske noge.

Posebno su istakli kako je ovo posljednje otkriće značajno zbog toga što ovaj uređaj mimikrira ne samo fizičke pokrete u radu ljudske noge već i njezinu kontrolu, tj. izvedena je cjelokupna replika sistema koji omogućava ljudima da hodaju a da i ne razmišljaju o tom procesu. Također ove godine, u istom polju, objavljena je vijest kako je Univerzitet u Pittsburgu razvio robotičku ruku kojom je moguće posve precizno upravljati putem misli, što je bilo moguće zahvaljujući mikroelektrodama implantiranim u dio mozga zadužen za kontrolu pokreta udova.

Posebno se na razvoju robotike radi u vojnoj industriji gdje su ove godine, od onoga što je javnosti obznanjeno, uspjeli usavršiti "robotu-crva" (zbog toga što ga odlikuje mimikrija kretanje crva), koji je u stanju kretati se kroz uske prostore i u stanju je izdržati teške fizičke udarce – svrha je naravno pronađena u obavještajnoj djelatnosti. Nedugo nakon toga, predstavljena je i robotička mimikrija hobotnice koja je u stanju prilagođavati boju svog površinskog sloja u skladu sa bojama iz okoline zahvaljujući spremnicima i sistemima za kontrolu boje u vlastitom sistemu (osim obavještajne navodi se mogućnost upotrebe i u medicini).

Mogućnost potpunog skrivanja od pogleda, odnosno savršene kamuflaže već dugo vremena predstavlja jedan od neobično važnih ciljeva ljudima. Savršenstvo te tehnologije uzima se iz naučnofantastičnih koncepata često nazvanig kao cloaking device – koji u dobro poznatim TV serijalima i čitave svemirske brodove čine "nevidljivim". U stvarnosti jedan od načina savršene kamuflaže jeste posjedovanje omotača koji će se, poput već navedene hobotnice, vizualno prilagoditi okolini u kojoj se nalazi.

Prošle godine, pak, BBC je prenio informacije o tome kako su istraživači uspjeli prikriti trodimenzionalne objekte čineći ih, prvi put, nevidljivim iz svih uglova – s tim da je isprva demonstracija uspjela samo sa talasima u mikrotalasnom dijelu elektromagnetnog spektra pomoću skretanja ili potpunog gušenja njegovih pojedinih dijelova. BBC je objavio i informacije da su postignuti i prvi rezultati eksperimenta ta-

kozvanog "zarobljavanja svjetlosti" ili njezinog gotovo potpunog "usporavanja"!

Vjerovatno najspektakularnija vijest koja cirkulira internetom povezana je sa DARPA-inim eksperimentalnim robotom kodnog imena "Cheetah" za kojeg se tvrdi da je na određenoj razdaljini u stanju trčati brže nego najbrži čovjek današnjice – Usaine Bolt.

2012. također će biti upamćena i po tome da su hirurzi 22. oktobra uz pomoć robota imena Da Vinci po prvi put izveli 9-satnu operaciju na otvorenom srcu 22-godišnje Natalie Jones, kao i uspješno završeno jednogodišnje putovanje Wave Glidera, nautičkog robota za prikupljanje podataka, koji je prešao put od San Francisca do Australije napajajući se energijom iz talasa i putem solarnih panela, pritom usput "preživjevši" oluje i napade ajkula. Također je najavljeno i da se ubuduće za čišćenje podvodnih minskih polja neće više koristiti trenirani delfini, već novokonstruirane verzije podvodnih bespilotnih podmornica.

Mozak

Posebna oblast u kojoj se kontinuirano odvija napredak predstavlja istraživanje ljudskog mozga i načina na koje on funkcionise. Sve je nužno povezano i sa drugim oblastima nauke, kao u primjerima gdje su detaljno istraženi i gdje se uspješno manipulira centrima mozga zaduženim za koordinaciju pokreta. Isto tako, konstantno se izučavaju i oni dijelovi mozga zaduženi za misli, kao i načini kako se do tih misli može doći izvana.

Pored straha od otkrivanja najintimnijih dijelova naše mašte postoji i čitav praktični dio čiju je korisnost nemoguće poreći. Jedno od najkonkretnijih otkrića iz ove oblasti objavljeno 29. juna 2012. govori o tome kako je izumljen uređaj koji skenirajući mozak može pomoći ljudima koji su potpuno paralizirani da izgovaraju riječi konstruirajući ih svojim mislima, ovaj put sa cjelokupnim alfabetom engleskog jezika, uključujući i prazan prostor između riječi.

Ipak, bitno je istaći da se desila i ona druga, tamna verzija povezana sa manje-više sličnom tehnologijom. Istraživači na Usenix konferenciji o sigurnosti polovinom augusta, demonstrirali su da je moguće, hakirajući softver sličnog uređaja koji predstavlja "moždano-kompjutersko" sučelje, izvući iz ljudskog mozga čak i one informacije i misli koje ljudi žele sačuvati kao tajnu.

Na koncu, između stotina i stotina vijesti o naučnim dostignućima, pogotovo zbog sve pažnje koju je proteklih godina privukao CERN-ov najveći akcelerator čestica u Švicarskoj, postoji velika mogućnost da će ova godina posebno biti upamćena kao konačni kraj gotovo četrdesetgodišnjeg lova na hipotetički Higgsov bozon, elementarnu česticu kojom se prema "Standardnom modelu" u fizici objašnjava masa drugih čestica. Tokom marta, u medijima su objavljeni prvi izvještaji koji upućuju na indicije da je Higgsov bozon otkriven, da bi kasnije tokom jula indicije bile dodatno utemeljene sa tvrdnjom da je mogućnost fluktuacije 1 u odnosu na 3,5 miliona, odnosno da je mogućnost greške u ovoj pretpostavci jako mala. Svi ćemo se prisjetiti medijskog straha koji je uzrokovalo stavljanje u pogon ovog gigantskog akceleratora često popraćeno slutnjom kako će njegov rad prouzročiti stvaranje crne rupe koja bi mogla uništiti Zemlju i život na njoj. Od jednog do drugog smaka svijeta...

DONIRAJTE
za novu džamiju Fargo-Moorhead do 31. marta 2013.



- Do sada je prikupljeno \$500.000, a ukupno nam je potrebno \$750.000 do 31. marta 2013.
- Molimo Vas, ček šaljite na adresu: Islamic Society of Fargo Moorhead
 2102 6th Ave S
 Fargo, ND 58103
- Donaciju takode možete uplatiti putem Paypal-a na račun: islamndfargo@gmail.com.
- Za više informacija kontaktirajte nas na telefon 701-234-9607.

Svaka uplata je dobrodošla!

NOW LEASING
Atkinson Arbors
Office Suites

* SECURITY
 * JANITORIAL
 SERVICES

* GATED
 COMPLEX
 * LOBBY &
 BREAK ROOM

Starting at
\$250.00

Up to
4,000 sq.ft.
 available



Call 770-317-7124

1530 Atkinson Road, Lawrenceville, GA 30043

2012. u retrovizoru

Velika svjetska i evropska takmičenja, nažalost, ponovo su prošla bez naših reprezentativnih selekcija, a i tamo gdje smo morali nastupiti (Olimpijske igre u Londonu) utopili smo se u sivilo. Ipak, rezultatsko odsustvo naših sportista ne umanjuje sva uzbuđenja kojim smo svjedočili u 2012.

Ljetne olimpijske igre u Londonu bez mnogo dilema bile su prava poslastica za sve sportske sladokusce. Na Igrama je učestvovalo više od 10.000 sportista iz 204. zemlje, oboreno je 30 rekorda u sedam sportova, a prema očekivanjima najviše uspjeha imali su sportisti Sjedinjenih Američkih Država, koji su osvojili ukupno 104 medalje – 46 zlatnih, 29 srebrnih i 29 bronzanih. Ipak, jedno ime ostat će upisano zlatnim slovima u historiju modernog olimpiзма.

Američki plivač Michael Phelps u Londonu je postao najuspješniji olimpijac svih vremena. Nakon što je u Pekingu srušio rekord Marka Spitzja osvojivši osam zlatnih medalja na jednom Igrama, Amerikanac je u London došao po novi historijski rezultat. Larisa Latynina, ruska gimnastičarka bila je vlasnica rekorda po broju osvojenih medalja. U riznici je imala 18. olimpijskih kolajni i činilo se da taj uspjeh neće ponoviti niko. No, pojavio se Phelps koji je nakon Londona vlasnik 22 medalje, od čega čak 18 zlatnih, dvije srebrne i dvije bronzane.

Zlatne medalje Phelps je osvojio na 200 metara leptir postavivši novi svjetski rekord, u štafeti 4x200 metara slobodno, koja je također oborila svjetski rekord, zatim na 100 metara leptir gdje ponovo ponavlja podvig – to je njegova treća uzastopna olimpijska pobjeda u istoj disciplini, te u štafeti 4x100 metra mješovito.

Uz rame Phelpsu je i Usain Bolt. Jamajčanin je u Londonu postao prvi atletičar nakon Carla Lewisa (1984, 1988.) koji je obranio olimpijsku titulu u utrci na 100 metara. Postao je prvi atletičar koji je dvije olimpijade zaredom osvojio zlata na 100 i 200 metara. Individualne uspjehe zaokružio je zlatom i novim svjetskim rekordom u štafeti 4x100 metara. Svjetski rekorder nakon Igara poručio je ostatku svijeta: "Postao sam živa legenda!"

Još dvije londonske priče vezane su za plivanje, a ispricale su ih Ruta Meilutyte i Shiwen Ye. Litvanska djevojčica koja je tek ušla u 16. godinu života osvojila je zlatnu medalju na 100 metara prsno. Ništa manje nije vrijedan ni rezultat kineske plivačice. Njen uspjeh preko noći je uzburkao javnost širom svijeta, a kod Amerikanaca je čak probudila sumnju da je sjajan rezultat ostvarila uz pomoć nedozvoljenih stimulativnih sredstava. Kineskinja je pobijedila na 400 metara mješovito i osvojila zlato, a uz to je oborila dotadašnji svjetski rekord. Shiwen Ye je posljednjih 100 metara dotaplivala za nevjerojatnih 58,68 sekundi, što je bilo bolje od rezultata trojice plivača koji su se takmičili u muškom finalu!

Iako nije osvojio medalju svjetska javnost će iz Londona pamtit i južnoafričkog atletičara Oscara Pistoriusa. On je postao prvi hendikepirani sportista koji je nastupio na Parao-

limpijskim i Olimpijskim igrama. Četverostruki pobjednik na Paraolimpijskim igrama, kojem su još kao djetetu amputirane obje noge ispod koljena, završio je kao drugi u svojoj kvalifikacionoj grupi u utrci na 400 metara, te na taj način izborio plasman u polufinale.

Da je trnovit put do uspjeha potvrđuje i primjer američke gimnastičarke Gabby Douglas koja je morala savladati mnoge fizičke izazove kako bi osvojila dva zlata u Londonu. Najteži izazov od svih bilo je rasističko ponašanje njenih kolega gimnastičara. Gabby će ostati upamćena kao prva Amerikanka afričkog porijekla koja je osvojila zlato u gimnastici, mada je njen put ka Londonu mogao završiti mnogo ranije, jer je razmišljala o tome da odustane od svog sna zbog konstantnog zlostavljanja u Virginiji.

"Stalno su mi dobacivali neke rasističke šale i bila sam izolirana od ostatka grupe. Bilo je teško. Znala sam plakati po cijelu noć kada se vratim kući s treninga", ispričala je 16-godišnja Douglas.

Heroj Igara u Londonu postao je i Mo Farah. Britanski atletičar, porijeklom iz Somalije, osvojio je zlato u trci na 5.000 metara, i to samo nedjelju dana nakon što je trijumfirao i u trci na duplo dužoj dionici. Bila je ovo prvo olimpijsko zlato za Veliku Britaniju na 5.000 metara, te stoga ne čudi što je nakon ulaska na Olimpijski stadion dobio ovacije od preko 80.000 gledalaca. Britance je obradovao i Andy Murray koji je trijumfovao na terenima Wimbledon. U All England Clubu Murray je ostvario najveći uspjeh karijere, savladavši u finalu velikog Rogera Federera (6:2, 6:1, 6:4).

Velika atrakcija u Londonu bili su i košarkaši SAD-a. Dream team, ekipa NBA zvijezda odbranili su naslov iz Pekinga, a u reprizi finala savladali su Španiju (107:100). Amerikancima je to bilo 14. zlato na OI, a zanimljivo da samo četiri puta nisu bili olimpijski pobjednici – 2004. (Argentina), 1988. (SSSR), 1980. (Jugoslavija) i 1972. (SSSR).

Zlato iz Pekinga u Londonu su odbranili i rukometaši Francuske. Tako su postali prva repozentacija koja je obranila olimpijsko zlato pod istim imenom. Naime, Sovjetski savez osvojio je zlato 1988, a četiri godine kasnije trijumfovali su kao ZND.

Nikola Karabatić i društvo ujedno su dvostruki uzastopni prvaci svijeta (2009, 2011.), a u razmaku od četiri godine dva puta su postali i prvaci Evrope.

I dok u košarci i rukometu nije bilo iznenađenja, zlata u odbojci i fudbalu trebala su osvojiti Brazilci. Međutim, planove su im pokvarili Rusi i Meksikanci. Odbojkaši Rusije u London su stigli kao drugi favoriti, a kada su u grupnoj fazi deklasirani od Brazila (0:3), činilo se da su osuđeni na bronzu. U finalu su spasili dvije meč lopte u i triler završnici senzacionalno slavili sa 3:2. Na fudbalskom turniru trijumfovao je Meksiko, savladavši u finalu favorizovani Brazil sa 2:1.

Sarajevu domaćinstvo EYOWF-a 2017.

Na Generalnoj skupštini Evropskog olimpijskog komiteta (EOK) u Rimu Sarajevo i Istočno Sarajevo zvanično su dobili organizaciju zimskog Evropskog olimpijskog festivala mladih (EYOWF) 2017. godine. Sarajevo i Istočno Sarajevo bili su jedini kandidati za organizaciju ovog takmičenja, nakon što je turski grad Kaiseri povukao kandidaturu.

Kako je rečeno na konferenciji za novinare, organizacija projekta EYOWF 2017. godine u Sarajevu i Istočnom Sarajevu koštat će nešto manje od pet miliona eura, dok će za obnovu, rehabilitaciju i pripreme sportskih terena biti potrebno deset miliona eura. Za projektovanje staza i uređenje skijaških padina i umjetni snijeg na planinama izdvojiti će se najviše novca - 6 miliona eura, dok je za obnovu skijaškog centra Dvorišta potrebno izdvojiti 1 milion eura. Za obnovu dvorana i postavljanje leda bit će potrebno izdvojiti tri miliona eura.

Kako je Said Fazlagić, generalni sekretar Olimpijskog komiteta Bosne i Hercegovine rekao, Sarajevo i Istočno Sarajevo su se prijavili za organizaciju sedam od mogućih devet sportova.

Kako sada stvari stoje, 2017. godine nećemo gledati skijaške skokove i curling. Za obnovu i prilagođavanje skakaoznice na Igmanu potrebna su velika sredstva, a kako je rekao Said Fazlagić, curling nije uvršten u program zbog nezastupljenosti ovog sporta u našoj zemlji.

Tako ćemo moći uživati u sportovima kao što su biatlon (Dvorišta), umjetničko klizanje (Skenderija), alpsko skijanje (Bjelašnica i Jahorina), skijaško trčanje (Veliko polje - Igman), snowboard (Bjelašnica), brzo klizanje (Sportska dvorana Pale) i hokej na ledu (Zetra).

Kako je na konferenciji za novinare rečeno, na EYOWF-u će učestvovati 1.500 sportista. Osim njih, očekuje se dolazak oko 3.500 novinara, trenera i drugih gostiju. Ceremonija otvaranja festivala održat će se u dvorani Juan Antonio Samaranch u Sarajevu. Zvanična ceremonija zatvaranja EYOWF-a će biti održana u sportskoj dvorani u Istočnom Sarajevu.

Učesnici takmičenja će biti smješteni u Sportskom selu koje se sastoji od dva kompleksa. Prvi kompleks se nalazi u Nedžarićima sa 880 kreveta, dok je drugi kompleks udaljen 3 kilometra i nalazi se u Istočnom Sarajevu te ima 480 kreveta, ali je najavljeno povećanje kapaciteta na 800 kreveta.

“Olimpijsko selo, koje će biti izgrađeno u Istočnom Sarajevu, projekat je koji se odavno planira i očekuje, i koji će ovim na neki način biti samo ubrzan. Studentski centar bi se



također radio i da nema olimpijade”, rekao je gradonačelnik Istočnog Sarajeva Vinko Radovanović naglasio je kako će ovaj projekat oživjeti Olimpijski duh koji je izbljedio posljednjih godina.

PRODAJETE ILI KUPUJETE KUĆU?
Vi imate pitanja - ja imam odgovore

- Sa Vama od početka do kraja, u svim fazama kod prodaje ili kupovine kuće
- Ostvarenje i zaštita Vaših interesa je moj prioritet
- Idealno vrijeme za kupovinu kuće - vrlo niske cijene uz povoljne kamate
- Foreclosure * HUD homes * Prvi put kupci dobijaju Home Depot gift card
- Besplatne usluge notara i prevođenja potrebnih dokumenata

metrobrokers.com **GMAC** Real Estate

DINO KRGO
REALTOR
678-429-4353
dkrgo@bellsouth.net

ISHRANA

Suncokretove sjemenke, zlata vrijedne!

Suncokretove sjemenke imaju visok procent ulja od čak 50 posto, a prevladavaju višestruko nezasićene masne kiseline, posebno linolna. Nije zanemarljiv ni sadr-



žaj proteina.

Sjemenke suncokreta su odličan izvor vitamina E i B1 i dobar izvor mangana, magnezijuma, bakra, selena, vitamina B5, folne kiseline i prehrambenih vlakana. Šaka suncokretovih sjemenki odlično utažuje glad, ali i nudi pregršt korisnih sastojaka.

U prilog tome ide činjenica da je 'World Cancer Research Fund' izdvojio 20 namirnica koje zbog svog povoljnog sastava pružaju zaštitu od karcinoma i koje zbog toga treba konzumirati što češće, a na popisu supernamirnica, našle su se i sjemenke suncokreta.

Sjemenke suncokreta sadrže snažne antioksidante – vitamin E i selen. Antioksidanti imaju sposobnost neutralizacije štetnih slobodnih radikala i na taj način štite organizam od brojnih degenerativnih bolesti današnjice, poput kardiovaskularnih i malignih oboljenja. Zbog povoljnog sadržaja esencijalne linolne masne kiseline, vitamina E i proteina, redovni unos suncokretovih sjemenki vlaži suhu i dehidriranu kožu, a može biti od koristi i kod ekcema.

Sjemenke suncokreta dijele sudbinu ostalih sjemenki – popularne su grickalice i učestali dodatak hljebu. Ali i one mogu biti odličan dodatak omiljenim žitaricama, jogurtu ili salati od tune ili piletine. Obična pečena jaja će dobiti poseban ukus ako im se dodaju sjemenke suncokreta. Takođe, propržene i samljevene sjemenke upotpunit će i razna variva i umake.



Am Dent, Inc.



Dental Care for Entire Family

Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted
Medicaid (uder 21) Peachcare
Major Credit Cards

NOW OFFERING! Ortho (Braces) Special - FREE Ortho Consultation
New Patient Special (Exam, X-Rays, Cleaning) - ONLY \$75
0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Brad Pitt je spreman platiti milione za kućni porno uradak Angeline Jolie?

Navodno je Brad Pitt spreman platiti deset miliona dolara kako bi bio siguran da eksplicitne fotografije i kućni porno uradak njegove zaručnice Angeline Jolie, ne bi ugledali svijetlo dana.

Strani su se mediji raspisali o navodnom kućnom porno uradku Angeline Jolie koji je glumica snimila 1999. godine.

Osim filmića, navodno postoji i čitav niz eksplicitnih fotografija, a Brad Pitt strahuje da ti materijali ne bi izašli u javnost i želi zaštititi njihovo šestero djece.

'Brad Pitt se trudi zaštititi imidž svoje zaručnice', tvrdi neimenovani izvor.

'Učinit će sve što je u njegovoj moći kako bi kupio sporne fotografije i filmić', nadodao je izvor.

Brad Pitt je navodno angažirao privatnog istražitelja da prikupi podatke o prošlosti svoje zaručnice, a navodi se da je Angie 1999. godine eksperimentirala s drogom te da je tada mogao biti snimljen sporni filmić.

Na stranici gossipcop.com piše da njihov izvor blizak paru tvrdi da su to sve laži.

Mila se udebljala i zapustila, Kutcher nije zadovoljan njenim izgledom

Iako je glumica Mila Kunis proglašena najseksipilnijom ženom na svijetu, strani mediji su u posljednje vrijeme počeli kritizirati njen izgled u privatnim trenucima.

Nakon što su objavljene fotografije Mile Kunis u nimalo lijepom izdanju, u trenirci i bez šminke, negativni komentari otišli su još dalje.

Naime, neki tvrde da se Mila udebljala 22 kilograma otkad je u vezi s Ashtonom Kutcherom i da on nije zadovoljan njenom transformacijom.

'Kad su započeli vezu Ashton je smatrao da je Mila jedna od najseksipilnijih žena, no otkad su zajedno, ukupno osam mjeseci, Mila se zapustila', izjavio je neimenovani izvor za Star.

Isti magazin piše i da je Ashton svojoj dragoj za Božić poklonio bon u vrijednosti od 250 tisuća dolara za makeover i da je ona to shvatila kao uvredu.

Navodno mu je na to rekla: 'Ako želiš 'plastičnu' djevojku trebao si ostati s Demi'. Na to joj je Ashton odgovorio: 'Gora si od Demi'.

Bilo kako bilo, teško je povjerovati da se Mila udebljala čak 22 kilograma...



Mila Kunis

Na medeni mjesec idu u svemir

Britanski milijarder Richard Branson, koji je ujak novopečenog supruga Kate Winslet, poklonio je paru uistinu neobičan svadbeni poklon - putovanje u svemir.

Kate i Ned Rocknroll imat će tako priliku medeni mjesec provesti među zvijezdama. U orbitu će se vinuti sljedeće godine sa Virgin galacticom, a putovanje će Bransonu iz džepa "izbiti" 200.000 dolara.

Zvijezda Titanica i njezin suprug iskusit će bestežinsko stanje u letjelici koja će ih odvesti na 60 kilometara od Zemlje, a neki od suputnika bit će im Ashton Kutcher i Russell Brand.

Pet mjeseci nakon poroda otkrila djetetovo ime

Neve Campbell, zvijezda filma Vrisak, napokon je otkrila ime svojeg prvorođenog sina. Pet mjeseci nakon njegova rođenja glumica je otkrila da se, dobro skrivani dječak, zove Caspian.

'Kad sam se rodila mama je izmislila moje ime. Isto sam i ja željela učiniti sa svojim djetetom. Dok mu nismo smislili ime Caspian, zvali smo ga 'beba', kazala je 39-godišnja Neve Campbell, partnerica glumca J. J. Felida.

Dvoje holivudskih zvijezda u potrazi za imenom dječaka prelistali su desetke knjiga, no mališan je na koncu ime dobio po princu Caspianu iz Kronika iz Narnije.

Inače, glumica je sina rodila u tajnosti i strani mediji su pisali o tome da je postala majka tek nakon što je prvi put u javnosti viđena s bebom.

Godišnji horoskop za 2013



OVAN (21.03 - 20.04)

LJUBAV: Cijelu ovu godinu Saturn će biti u opoziciji na vaš znak i zahtijevat će od vas maksimalnu odgovornost i ozbiljnost u odnosima s drugima. Frustracija će biti, ali ako svemu pristupite zrelo, konačno definiranje veza, odnosa i doseganje rješenja, učinit će da vam kamen padne sa

srsa. Povoljni periodi za ljubav su od 8.1. do 5.2., posebno povoljno vrijeme kad je Venera u vašem znaku jest od 22.4. do 16.5.

KARIJERA: Početak godine bit će iznimno zahtjevan. Morat ćete prihvatiti određene promjene u vezi svog statusa i definirati sasvim novi pravac karijere. Cijeli ovaj proces dogodit će se već tokom januara. No, ne brinite, jer vrlo brzo dolaze povoljni utjecaji. Oni počinju 23.1. s ulaskom Jupitera u vaš znak koji će njim prošetati takvom brzinom da sami nećete vjerovati što vam se sve događa. Kako 12.3. i Uran ulazi u Oвна (što se dogodi jednom u 84 godine), to će istovremeno početi ciklus opšte revolucije u vašem životu koji će potrajati idućih sedam godina.

ZDRAVLJE&SAVJET: Prva polovina godina donijet će vam vedar duh i mogućnost da svojim optimizmom nadvladate eventualne tegobe. Druga polovina godine također će biti dobra, a povremeno će vas mučiti loša raspoloženja koja će dolaziti isključivo kao utjecaj drugih ljudi.



BIK (21.04 - 20.05)

LJUBAV: Nakon nekoliko mjeseci ljubavne suše, vama će ipak krenuti nakon 8.1. Prvi dio godine bit će iznimno maštoviti u svom ljubavnom životu i iznjedit će brojne neobične ideje kojim ćete oplemenjivati svoje privatne odnose. Drugi dio godine imat ćete potrebu da svoju sreću podijelite s drugima, sa svojim prijateljima, a društveni život bit će vam bogat i raznolik. Pojačat će se prilike za izlaske i za uživanja.

KARIJERA: Godina će započeti bolje nego što očekujete jer će vam se konačno otvoriti vrata za razvoj u struci. Nove okolnosti doprinjet će da vas napokon primijete i priznaju kao ravnopravnog konkurenta u poslu kojim se bavite. Od 5.6. s ulaskom Jupitera u vaš znak počinje obećavajuće razdoblje kad se okolnosti, ljudi i događaji slažu tako da vam otvaraju velike mogućnosti razvoja i prosperiteta u poslu. Tako će biti u nastavku tokom cijele godine.

ZDRAVLJE&SAVJET: Prisustvo Saturna u Vagi u vašoj prirodnoj 6. kući zdravlja provocirat će vaše bubrege i mokraćni mjehur. To će vam biti osjetljiviji dijelovi tijela, pa vodite računa da pijete dovoljno tekućine. Bit će zdravi, a glavni problem bit će vam iskušenje pretjerivanja u konzumacijama. Ovo će biti naglašenije u drugom dijelu godine kad ćete biti hedonistički nastrojeni. Unaprijed pripremite metodu skidanja viška kilograma.



BLIZANCI (21.05 - 20.06)

LJUBAV: Neki među vama ove će godine imati priliku malo ozbiljnije definirati svoj odnos, a moguće je da se kroz zrelije razmišljanje odlučite i za djecu. Zabave će vas zanimati malo manje, a više ćete se okretati obiteljskom životu i intimnostima. Što se tiče legaliziranja veza,

ono je povoljnije nakon 23.1., pa u nastavku cijelu godinu.

KARIJERA: Uticaji na vaš status i karijeru ispočetka će biti mješoviti. S obzirom na promjene u sektoru financiranja i sponzoriranja poslova početkom godine, nećete biti svjesni da dugoročno stojite dobro. Brinut ćete se zbog osjećaja nestabilnosti, a razdirat će vas i unutrašnje ambicije i nerealni poslovni apetiti. Bit će sve više onih koji će vam vjerovati i obraćati vam se za pomoć ili savjet. Mnogi Blizanci i Blizančice ove će godine napokon doživjeti i plodove svog prethodnog rada, pa ako su radili dobro, bit će i zadovoljstva. Od novembra nastupa nešto napornije razdoblje kad će biti više stresa, a manje energije i trebat će ekonomizirati sa svojim snagama. Tako će biti do kraja godine, ali rezultati neće izostati.

ZDRAVLJE&SAVJET: Do proljeća vodite računa o urednoj prehrani i ojačajte svoju otpornost na stres. U nastavku dolazi do mirnijih utjecaja kad ćete se moći malo više pozabaviti sobom i svojim tijelom.



RAK (21.06 - 20.07)

LJUBAV: Jako je važno da odmah u startu godine smanjite svoja ljubavna očekivanja na realnu razinu i da dopustite drugoj strani da bude ono što jest. Ova tolerancija tek će kasnije polučiti rezultate.

KARIJERA: Godina će vjerojatno početi obeshrabrujuće.

Nećete imati osjećaj da vladate situacijom i da možete na ista utjecati. Sve će biti u rukama drugih koji će odlučivati i o vašoj sudbini. Vi ćete se jedino moći prilagođavati. Stresa i nervoze bit će kao u priči, a o umoru da i ne govorimo. Tko može, neka u siječnju pobjegne na odmor. Za utjehu, to će ujedno biti i najgori dio godine. Sve dalje, u nastavku, bit će bolje od toga. Potkraj zime vaše će ideje konačno moći doći do izražaja, a vi ćete dobiti snagu da ih i prezentirate.

ZDRAVLJE&SAVJET: Prvi dio godine svakako će biti zahtjevniji i naporniji nego drugi. Stresovi koji će dolaziti iz okoline i direktno utjecati na vašu podsvijest (nećete ih uvijek lako prepoznavati) mogli bi vam oduzimati zadovoljstvo i energiju. Ponekad ćete se osjećati zaista frustrirano, pa će osjećaj nemoći također biti aktualan. Važno je da vjerujete u ono što radite jer ćete snagom duha nadvladavati lošija raspoloženja. Drugi dio godine dolazi do općeg poboljšanja, živite urednije i mirnije, te se lakše nosite sa svime.



LAV (21.07 - 21.08)

LJUBAV: Vaša trpljenja i frustracije završavaju se već početkom godine i vrlo brzo dobivate dobar vjetar u leđa kad se o ljubavi radi. Konačno ćete moći jasno reći što vam leži na duši, a da vas druga strana dobro razumije i prihvaća. Gladni ste ljubavi, a ove godine će je i biti.

KARIJERA: Godina će početi žestokim radnim tempom. Morat ćete svima biti na usluzi, a neki će raditi i prekovremeno. Pametniji među vama bit će sretni zbog toga jer su svjesni da je danas dobitak kad imate puno posla. Istovremeno ćete voditi govore sa sponzorima, ali će tu stalno zapinjati. Situacija oko toga raščistit će se i pokrenuti potkraj zime, a od proljeća počinje sve povoljnije razdoblje za vas i vaš razvoj u karijeri. Posljednja dva mjeseca sve ćete se više angažirati oko financija i zarade. Tu ćete morati uložiti dodatne napore da ostvarite rezultate.

ZDRAVLJE&SAVJET: U prvom dijelu godine svakako će doći do poboljšanja vašeg opšteg stanja. Bićete zdravi i spremni na mnoge nove izazove. Drugi dio godine najviše iskušenja donijet će sladokuscima, ovisnicima i alkoholičarima. Jedni će se debljati, drugi drogirati, treći opijati, a rezultati će biti loši za zdravlje. Zato se odmah u startu osvijestite o zdravom životu i ojačajte svoj karakter kako ne bi upali u zamku loših navika.



DJEVICA (22.08 - 22.09)

LJUBAV: Slušajte svog partnera ako ste u vezi, jer vam on čini dobro, premda toga niste uvijek svjesni. Neki će tokom ove godine dobiti neočekivano nasljedstvo ili dobar miraz. Vaši privatni odnosi razvijat će se stabilno i bez većih potresa. Štoviše, nakon 12.3. izlazite iz faze

promjena koja je trajala sedam godina i donijela novi sistem odnosa ili novi pristup istim. Sad konačno znate što želite i formirali ste svoj stav.

KARIJERA: Kad godina počne primijetit ćete da se nalazite u pravom labirintu vrlo različitih poslovnih odnosa. Neki će vas uveseljavati, a neki zaista zabrinjavati. Morat ćete se snalaziti i balansirati najbolje kako znate, a sve zato da biste sa svima izašli na kraj. Dobro je da sve pažljivo proanalizirate, ali sebi odredite tajming kako prilika ne bi promakla zbog vašeg pretjeranog opreza. Od juna vam se otvaraju vrata za napredovanje, stručno usavršavanje, stipendiju ili saradnju s inostranstvom.

ZDRAVLJE&SAVJET: Cijelu godinu bit će na nebu poneki povoljan utjecaj koji će čuvati vaše zdravlje. Bit će jedan od sretnika koji će imati zavidnu kondiciju i dobro raspoloženje. Nema značajnijih loših utjecaja, osim onih blažih i prolaznih koje ćete lako nadvladati. Može se reći da vas očekuje jedna stabilna godina kad se o zdravlju radi.

Godišnji horoskop za 2013



VAGA (23.09 - 22.10)

LJUBAV: Prelazak Jupitera i Urana u vaše prirodno 7. polje odnosa sigurno će vam donijeti nove prilike, ali i zahtjeve u ljubavnom životu. Mnogi će morati više uvažavati partnera i njegove potrebe, a kod nekih će to biti potreba za većom samostalnošću. Ponekad će vam biti teško prilagodavati se, ali ako zaista iskreno volite, uspjeh će vam biti na dohvat ruke.

KARIJERA: Godina bi mogla početi napetostima i potrebom da pod svaku cijenu provedete svoje zamisli. Mnogi će pokazati poznatu Vaginu željeznu rukavicu i svojim autoritetom na fin, ali nepopustljiv način rušiti sve prepreke, no tako će se nekima i zamjeriti. Stresa će biti, pa se pripremite na napore i nemire. Kontrolirajte svoje ambicije, ali ne odustajte od njih. Bit će i onih koji će suočeni s jednim obiteljskim problemom posao ostavljati po strani. Ipak, od proljeća se fokusiraju na redovne radne zadatke. Ključ vašeg uspjeha ove godine nalazi se u suradnji s drugima

ZDRAVLJE&SAVJET: Bit će ovo naporna godina. Najviše zbog Saturna u vašem znaku koji će od proljeća malo pa malo dolaziti u opoziciju s Uranom, a u prvom dijelu godine i s Jupiterom. To će se manifestirati kroz pojačane napore i stresove (naročito na počecima godišnjih doba), pretjerivanja u konzumacijama, frustracije ili neraspoloženja.



ŠKORPIJA (23.10 - 22.11)

LJUBAV: Kad zbrojite ono što je iza vas, možete biti zadovoljni. Ove godine vi ćete uglavnom učvršćivati stečene pozicije i razvijati uspostavljene skladne privatne odnose. **KARIJERA:** Godina iza vas bila je odlična u privatnom životu, a ova koja dolazi donijet će i neke pomake u poslovnom.

U početku ćete se zateći zapleteni u mreži ljudi kojim ćete stalno morati davati razne informacije. Ova gužva neka vas ne zavera, jer je njen karakter površan. One bitne stvari događaju se iza fasade. Najdragocjenija stvar ove godine bit će osjetno poboljšanje radnih uvjeta, tako da će mnogi od vas (već od veljače) odlaziti na posao s osmijehom. Proširiti ćete i poboljšati odnose sa suradnicima, a posebno dobri bit će odnosi s vama podređenima. Na njih se zaista možete osloniti, premda će vas ponekad i zbunjivati. Tokom drugog dijela godina malo ćete se ulijeniti, ali ćete relativno uredno odrađivati svoje radne obveze.

ZDRAVLJE&SAVJET: Ono po čemu ćete vjerojatno zapamtiti ovu godinu jest mogućnost promjene stila življenja. Mnogi će odlučiti prestati s lošim navikama bilo da se radi o pušenju, piću ili o načinu prehrane. Povremeno će vam se javljati podsvjesni strahovi ili bi snovi mogli biti zabrinjavajući. U takve dane svakako aktivirajte svoj smisao za humor i sve će doći na svoje mjesto.



STRIJELAC (23.11 - 20.12)

LJUBAV: Godina će početi sa zavođenjem s vaše strane, a od veljače će uslijediti brojne prilike za izlaske i bogat društveni život. Neki Strijelci i Strelce ovog će se proljeća neočekivano i sretno zaljubiti. Ostali dio godine nastojat će učvrstiti svoju vezu i u tome će uglavnom i uspijevati.

Bit će i onih koji će se ove godine odlučiti na dijete.

KARIJERA: Početak poslovne godine donosi određene financijske probleme i pritisak da se način zaradivanja mora promijeniti. Neki će biti u iskušenju da posegnu za nelegalnim varijantama poslovanja. Dobro razmislite o mogućim posljedicama. Jedino na što se možete osloniti jeste vi sami i vaš rad, pa makar rezultati bili i skromniji. Drugi dio godine donosi poboljšanje radnih uvjeta i sve bolju suradnju s kolegama. Mnogi među vama odlazit će na posao s iskrenim zadovoljstvom. Posljednja dva mjeseca u godini zapamtit ćete po pojačanom pritisku svojih nadređenih, po malo više stresa, ali i ambicija.

ZDRAVLJE&SAVJET: Kako godina bude odmicala, vi ćete se osjećati sve bolje i bolje. Prvo poboljšanje uslijedit će nakon 23.1., iduće nakon 12.3., a nakon 5.6. i sami ćete se okrenuti zdravijem načinu života i tako svoju kondiciju još više poboljšati. Više stresa uslijedit će u studenom i prosincu, ali ako ste se unaprijed bavili svojim tijelom i psihom, to ćete dočekati potpuno spremni.



JARAC (21.12 - 19.01)

LJUBAV: U prvom dijelu godine ponekad ćete teže usklađivati privatni i poslovni život. Ako upadnete u zamku zanemarivanja partnera, sjetite se da malim darom pokazete svoju pažnju. Neki će se zaljubiti, a bit će i onih koji će se u drugom dijelu godine odlučiti za roditeljstvo.

KARIJERA: Godina počinje nekim vama važnim osobnim odlukama ili savnim novim stavom prema poslu koji radite. Moguće je da ćete nešto odlučiti pod pritiskom, ali i s puno energije, pa i hladne glave. To bi vam u konačnici moglo donijeti mogućnost da vi sami više dođete do izražaja na poslu i unaprijedite svoju karijeru. Svakako da ćete u nastavku biti dosljedni svojim odlukama. Prvi dio godine bit će teži nego drugi, jer ćete cijelo vrijeme morati balansirati između utjecaja koji pod svaku cijenu mogu razviti posao i onih koji ga blokiraju.

ZDRAVLJE&SAVJET: Prvi dio godine bit će naporniji i zahtjevniji nego drugi. Zato se dobro pripremite jer će vam trebati dosta snage da izdržite pritiske, rokove, ali i povremena depresivna raspoloženja. Neki će ići iz krajnosti u krajnost – čas će živjeti gotovo asketski i postiti, a već drugi tren će upadati u faze hedonizma i prejedanja. Ova neujednačenost može vam donijeti neke poremećaje u organizmu, pa se disciplinirajte.



VODOLIJA (20.01 - 18.02)

LJUBAV: Već nakon 8.1. uslijediće poboljšanje u vašim privatnim odnosima. Na to ste zaista dugo čekali, pa će vam ova godina svakako biti sretnija nego prethodna. Kako ćete ostvarivati brojne kontakte s različitim ljudima, to će oni koji još traže srodnu dušu stalno biti u prilici da se s nekim zbliže. Sigurno je da vam neće biti dosadno jer ćete uvijek biti u krugu ljudi.

KARIJERA: Vi ćete tokom prve polovine ove godine ići iz dobrog u bolje. Premda ćete na samom početku biti obuzeti određenim sumnjama, pa čak i strahovima koji vam miniraju samopouzdanje, sve ćete uspjehom nadvladati i već od veljače krenuti s otvaranjem prema ljudima i širenjem mreže suradnika. Kontakti i komunikacije bit će ključ vašeg uspjeha, a prava ekspanzija povezanosti s drugima uslijedit će od proljeća.

ZDRAVLJE&SAVJET: Cijelu godinu kretat ćete se više nego inače i to će stalno doprinositi vašem zdravlju. Bit ćete uglavnom u dobroj formi i zdravi. Drugi dio godine može donijeti malo neuredniji stil života, više jela i pića kroz tulume, pa se u startu kontrolirajte. Nakon manje krize na početku godine, psihički ćete biti stabilni do te mjere da možete biti podrška drugima.



RIBA (19.02 - 20.03)

LJUBAV: Iza vas je dobra ljubavna godina kad ste izašli iz krize i poboljšali svoj privatni život. Jupiter izlazi iz vašeg znaka 23.1. i više neće biti toliko pogodnosti, no to ne znači da će vam biti loše. Možete očekivati solidan razvoj odnosa ukoliko budete spremni uvažavati potrebe druge strane.

KARIJERA: Početak godine zapamtit ćete po specifičnoj situaciji. Vjerovatno ćete biti u poziciji da nekome pomognete, ali biste mogli i zakazati. Odluka koju ćete donijeti imat će dugotrajne posljedice po razvoj određene suradnje koja će se ili nastaviti ili prekinuti. Što više budete čuvali svoje blago, to će više biti i situacija kad ćete imati neplanirane izdatke. Tako će većina godine proteći u stilu što dođe, to i ode.

ZDRAVLJE&SAVJET: Većinu godine osjećat ćete se dobro i nećete imati značajnijih zdravstvenih problema. Povremeno su moguće lakše tegobe u donjem dijelu tijela, a najvjerovatnije u području bubrega. Kako ćete se u drugom dijelu godine sve više kretati, to će vam se i zdravstveno stanje još više poboljšati. Bilo bi dobro da se malo više pozabavite nekim sportom ili barem rekreacijom. I ne samo zato, nego jer će se to nastaviti i u godini koja slijedi iza ove.

su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

7	4	8	2	9	6	3	5	1
6	1	2	3	4	5	7	8	9
3	5	9	1	8	7	2	6	4
4	9	7	6	2	3	8	1	5
1	3	6	8	5	4	9	7	2
2	8	5	7	1	9	6	4	3
9	7	3	5	6	1	4	2	8
5	2	4	9	7	8	1	3	6
8	6	1	4	3	2	5	9	7

2		9		1	4			5
		3		8	6	9		
		1		5			3	
9		4				1		6
	8			6		4		
		2	1	4		7		
5			8	9		3		1

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:
 Europa Magazine (pretplata), P.O. Box 867, Lawrenceville, GA 30046-0867
 E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
 [] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____

E-mail: redakcija@europamagazine.info • Tel: 678.743.5731
 Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



◇
Sjede u avionu Škot, Francuz i Afganistanac. Dolazi stjuardesa i pita ih šta će popiti. Škot odmah reče: "Jedan škotski viski". Francuz naruči jedno francusko vino, a Afganistanac će: "Meni ništa, sad ću da vozim."

◇
Gleda tata svjetsko prvenstvo u fudbalu, kad u sobu utrči sin i kaže: "Tata, tata, mamu je pregazilo auto!" A tata će na to, ne skidajući pogled sa televizora: "Počni da plačeš, dolazim odmah!"

◇
Leži Crnogorac pod drvetom, a žena ga zove i veli: "Čovječe, ti ležiš ovdje, a poštar ti penziju donio." Na to će Crnogorac: "Neka mi je ovdje donese, ovdje sam je i zaradio!"

Šta je to: malo plavo, sjedi na grani i pjeva?
Talentovana šljiva!

◇
Nastavnica zadala temu za pismeni zadatak koja glasi "Da sam direktor". Svi pišu osim Perice. Pita ga nastavnica: "Zašto ne pišeš, Perice?"

Perica odgovara: "Čekam sekretaricu!"

◇
Otišao Sanader u Austriju po zimske gume. A vratio se s lancima.

◇
Dolazi cigo kući i sa vrata kaže: "Ženo, dobili smo milion eura na lotu!" "Šta?...šta kažeš? Milion eura?", kaza žena i pade na mjestu mrtva. "Eh, ...kad te hoće - baš te hoće", reče cigo.

vicevi

MALI OGLASI

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodaja

Prodajem kuću na mostarskom raskršću, vlasništvo 1/1, dva sprata, odvojeni ulazi, 8,5x9,5 i 500m² zemljišta. 79 000 Eura.
Tel: 1-616-389-7220
ili 1-616-389-7677

Prodajem kuću novu s nedovršenim unutrašnjim radovima, 130m², vlasništvo 1/1, u Otesu, Sarajevo. U obzir dolazi i zamjena.
Tel: 727-776-0755.
E-mail: sanjadoll915@yahoo.com

Prodajem motor Yamaha TTR-110, 2009 godina, kao nov, radio samo dva sata, 3 brzine. Cijena: \$1600.00. Tel: 727-393-6207 (kuća) ili 727-643-0207 (cell)

Prodajem kuću sa stvarima u Dvorovima površine 56m² sa 2 duluma okućnice i voćnjakom. Kuća takođe ima građevinsku dozvolu za eventualnu dogradnju. Tel: 619-913-7914 ili 858-558-0664

Prodajem stanove od 40m² do 53m² u Banja Luci-Novakovići, nova gradnja sa terasom, blindo vrata. Tel: 616-970-6504.
E-mail: enkozdz@yahoo.com

Prodajem kuću u Sarajevu, Logavina, Vrbanjuša 108, idealna lokacija 130m², terasa 7,20m², avlija 23m² sa zidom 2m visine, parking za tri auta ispred kuće. Cijena 180.000 KM. Tel: +387 (61) 167-2031 ili 804-270-0101

Prodajem dva stana u Sarajevu oba vlasništvo 1/1: 65m² (balkon 9m²) kod Socijalnog, 65.000 eura, 44m² preko puta bolnice Koševo 50.000 eura. Tel: +387-33-644-294

Prodajem ili mijenjam kuću 9x9m, novogradnja kod mosta u Bos. Brodu za Sl. Brod ili more.
Tel: 904-482-8633
E-mail: elvirgazic@hotmail.com

Prodajem nedovršenu vikendicu na Vlašiću sa svim urednim papirima.
Tel: 678-313-9914

Prodajem dvosoban stan u Sarajevu 54m², II sprat, Čengić Vila I. Tel: +387-65-689-787

Prodajem dvosoban stan u

Sarajevu, 54m², III sprat, Dobrinja II. Tel: 425-673-1642

Prodajem 5 duluma zemlje, nedovršena vikendica, Bradina, 500 metara od puta Sarajevo-Mostar. Tel: 904-962-1693

Prodajem dvoiposoban stan u Sarajevu, 65m², II sprat, Dobrinja III. U obzir dolazi i zamjena.
Tel: +387-57-447-146
ili +387-65-568-111

Prodajem/iznajmljujem dvospratnu kuću pored džamije u Jezeru kod Jajca 70206, vlasnik Ana Ribić. Kontakt e-mail: ana.ribic@hotmail.com

Razno

Euro Plus TV traži radnicu sa znanjem bosanskog i engleskog jezika za prodaju i marketing.
Tel: 1-877-747-6097

Čuvam djecu u mojoj kući u Snellville-u.
Tel: 404-819-3419

Povoljno i sigurno čuvanje djece 7 dana u nedjelji.
Tel: 404-723-7698

Divorced woman 45, 5'8", 140lbs, short red hair, blue eyes, non-smoking, desires to find a man in his 40-50's.
E-mail: poloz3939@yahoo.com

**KUPON ZA BESPLATNE MALE OGLASE
DO 20 RIJEČI**

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA - _____

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine

ISSN 1939-3423

Address: P.O. Box 867
Lawrenceville, Georgia 30046-0867
United States of America

Phone: +1 (678) 743 5731

E-mail: editor@europamagazine.info



Web address: www.europamagazine.info

Issued: monthly

Editor-in-chief: Haris Delalić

Senior Photographer and Graphic Design
Manager: Dan Dalibor Spalat

Graphic Design: Aldin Ajanovic, Ali Nkhazi

Internet Presentation: Damir Setkic

Freelance writer from Europe: Milan Pekić

Community: Enes Selimović

Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina



bosnatv.com

US/Kanada

1.800.771.0790

Evropa

++41(0)912611211

EMC CARGO

WWW.EMCCARGO.COM



 **\$1.290**

AUTOMOBIL

 **\$1.390**

SUV/VAN

 **\$690**

MOTOR

 **\$790**

JET SKI/ATV

 **\$99**

PAKET

 **od \$100**

NAMJEŠTAJ
(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271